

熙朝名臣實錄

熙朝名臣實錄卷三

秣陵 焦竑 輯

中山武寧王魏國徐公

不臣
功第
一才
與德
第一

中山王徐達者，鳳陽人，爲人長身高，額赤色，沈毅剛決，儕伍咸莊憚之。時郭子興據濠梁，稱滁陽王，而太祖爲其

部帥用事，達仗劍往從，從略定遠，張家堡得兵三千人，又

從襲橫澗山寨，得兵二萬人。時年二十二，鄧、元、俱、周、公、進、年、相、上、下、所委使必効而

又時時以王霸之略進。帝大悅，曰：「此國器也。」授鎮撫使，等、曠、力、

位諸宿將上，尋從破元兵於滁州澗，再從取和陽，拒殲其

援師，皆有功，而賊帥孫德崖來與子興合，已復有隙，軍且

開。帝馳單騎往撫，爲所執。而子興前已誘執德崖於廣、土、於、難是。達請以身之德崖軍，代曰歸我朱公子。我亦歸而孫帥。帝始得脫。達亦得脫。會滁陽王死。帝爲大帥。達益重。從下俞通海等水寨。與蠻子海牙相距。達別率精兵數千。取溧陽、溧水二城。斷其肘。故諸軍前薄。大破蠻子海牙。從渡江。拔采石橋。太平與常遇春皆爲軍鋒冠。而達獨參預密謀。進止尋從。破擒元將陳瑊。先復大破蠻子海牙。乘勝下集慶路。帝稱吳國公。欲將達而少之。乃會諸將。陽責達等以不能戢下。召軍正使定罪。達等頓首請死。乃已。已而命達率諸將攻鎮江。走苗帥完者。僂平章定定。號令明肅。

城中不知有兵，達自是專爲將矣。置淮與翼，元帥府於鎮江。達領之，時張士誠王平江，誘我降將陳保二，發舟師自常州來逼，達禦之，敗其軍於龍潭，追奔至常州，請益師。

上以兵三萬益達，達乃分其軍爲三，薄常州而壘。士誠之弟士德以卒數萬來援，達與諸將計曰：士德勇冠軍，且狡，未易力勝也。去城十八里爲三覆以待，而別選鐵騎屬總管王均用將之。乃前徼士德兵，旣交，均用鐵騎衝其中堅，陣亂，士德走，遇覆馬蹶獲之，遂大破其軍，殺鹵以萬計，進圍常州不下。帝乃故奪元帥達以下一官，而賜書曰：虐降失陳保二，老師孤城，吾所以重過將軍也。將軍勉旃，補

前過大善不者三尺不貸汝因復益以精兵二萬達乃令
四營兵爲二以相救而外營常遇春來應夾攻破之九五
月而常州下達別將輕兵取馬馱沙以爲靖江縣進攻寧
國府破走其將謝國璽寧國守臣楊仲英等堅守不下

帝以大兵繼之而仲英降復以輕兵徇宜興繇別道下常
熟距平江不百里而軍平江大震已復與平章邵榮圍宜
興分兵塞太湖口援道絕宜興下時帝以重兵定婺處將
略有浙東諸郡而陳友諒之大將趙普勝以兵陷池州復
進據樅陽水寨數往來窺伺帝念不及援達遣其將選
精卒襲敗之普勝棄舟走復追擒其部將獲艘艘數百遂

復池州捷聞。帝大悅，謂徹達何以紓我內顧，超拜奉國上將軍，同知樞密院事。亡何，帝取無爲州，達以兵自無爲夜掩浮山寨，破趙普勝之別將胡總管於青山，窮追至潛山，復破斬友諒之郭參政，下潛山，達還填池州。帝謀知友諒且犯池，命僉樞密院常遇春以兵來助，使使語達友諒旦夕至，則設伏九華山下，而掩其後，可盡取也。達乃與遇春筭選卒萬人，伏九華。友諒至，盡銳攻城，城中伐鼓大噪，伏盡發，城中應之，遂大破其衆，斬首萬餘級，生獲三千人。遇春曰：「此勁敵也，不殺爲後害，達不可以狀聞。」帝帝○王○之○歸○自○不○同○報使者，天下戰方始，毋多殺多殺是逆距之也。而遇春則

以夜阬其十之九。上不懌命悉縱其三百人歸。友諒而曰：此吾不壹將之敵也。達自是專爲大將矣。友諒旣陷我太平，遂盛兵壓建康。帝設奇大破之。達時將南門外兵，功最多，遂與馮勳、勝等追及於慈湖，縱火焚其舟。至采石，復躡其黑旗軍，獲太平，遂取安慶，尋從。帝取江州，友諒走，追破之。別將兵屯漢江之池口，遇沔陽戰艦，進中書省。右丞洪都降，將祝宗、康泰反。大帥鄧愈走達，以沌口軍還。討定之，宗走死，樞泰送建康。達遂移兵圍廬州。時友諒失洪都而憤，悉其衆來爭，樓船高數丈，圍數百重。帝亦悉師溯流逆之。趣魯達自廬來會，與友諒遇於鄱陽湖。達先

諸將蕩其前茅，殺千五百人，獲一巨舟而還。軍威振，既而達舟深入，中敵火，撲之更進，戰復破敵而退。時友諒兵盛，帆檣後先不見際。帝謂左右：「卽不利，奈彼乘勝何？」既而曰：「得之矣。」吾以達留守，緩急可百全也。夜以兵符授達，飛舸還建康。達至，申約束，嚴斥堠，鎮靜若不有外兵者。而帝則已破誅友諒還矣。師還卽吳王位，而達爲左相國。拜日。上召而諭以元政之所以失，且用息終爲戒。達等頓首謝，復從平武昌。還復諭達等以更涉世故，則智明久歷患難，則慮周。亡何率兵討廬州左君弼。君弼走安豐，遂取廬州。乃率兵徇友諒屬城之在荆湘湖南北者，而湖湘

悉平。召還大會師建康。計所討。率常遇春等。以水陸兵往。狗士誠淮東郡邑。首克泰州。遂降興化。會士誠犯宜興。乃以都督馮國勝攻圍高郵。常遇春攻淮安。別將守泰州。而身率中軍精卒。渡江走宜興。破擒士誠兵。解宜興圍。國勝中。高郵守將詭約降。使使人受之。皆見殺。上怒。撻國勝。而趣達移兵會攻克之。復移師會常遇春攻淮安。破其左丞徐義兵於馬驪港。進薄其城。守將梅思祖降。元將樞密同知陸聚亦舉徐宿二州來歸。唯安豐爲元守。達進師取之。走其右丞忻都左君弼。與其援將竹貞。元相擴廓帖木兒遣兵救徐州。達復大破斬之。淮南北悉平。帝乃與

諸將相謀討士誠。右相國善長以士誠兵尚強，且饒蓄積，宜少緩。達持不可，曰：張氏汰而苛，其大將李伯昇輩積子女玉帛，旦夕人耳。用事者黃蔡葉三叅軍，白面書生，易與也。臣奉上威德，以大兵威之，當自潰。上大悅，以左相國達爲大將軍，平章軍國重事，遇春爲副將軍，率師二十萬討士誠。馮於龍江，進達等諭以毋虜掠，毋殺，毋發丘壠，毋毀廬舍。又戒之曰：士誠能以吳歸命者，必全之。吾聞其母葬閩闔之外墟，毋據而芻牧也。時副將軍遇春欲徑擣平江。上曰：不然，賊分其衆駐吳興錢塘，以自輔。我頓兵堅城，不克而招二輔之援，非計也。先攻吳興，便乃悉舟

師自太湖趨薄吳興士誠之右丞張天騏參政黃寶院判
陶子實分道出戰達亦分兵應之而遣驍將王國寶以長
槍軍扼其歸黃寶等敗走遇春扼之遂圍其城五太子及
其平章朱暉僉樞密呂珍來援屯城東舊館達遣遇春等
爲十壘復敗右丞潘元紹兵而士誠自以兵來援達迎戰
大敗走士誠復破獲其同僉徐志堅復破潘元紹之赤龍
舡於平望鹵其軍資甲仗皆盡復大破舊館之援兵五太
子及朱暉呂珍左丞張天騏等降李伯珍亦降吳興下遂
下吳江州從太湖西出平江城南七里破鮎魚口山柵復
敗其兵於尹山橋遂悉水陸兵薄平江達營封門分兵營

萋胥聞盤諸門築長圍架木塔與城中浮屠等別築臺三
成曰敵樓下瞰城中纖悉皆見尋使使之建康請事帝
賜璽書勞之曰將軍自昔相從忠義天性沈毅有謀端重
且武用能遏絕亂略消弭羣維今事事稟命將軍之忠吾
甚嘉之然將在外君不禦也自後軍中緩急將軍便宜行
之勿以聞平江城堅難卒拔莫天祐時爲士誠守無錫更
相唇齒其將楊茂善泐數從水中爲信以、間、最、是、遂獲茂釋而厚賞
其、間、要、事、之使往來爲間因盡得其虛實士誠迫自出兵戰馬驚墮
木輿入城其弟士信張幕城上踞銀椅進秋桃猶未及嘗
而飛礮已碎其首矣士誠氣益奪達知城中困乃勵士鼓

而破符門。遇春亦破閭門。新寨其樞密唐傑皆降。遂大潰。士誠收其餘兵三萬巷戰。復潰。馳歸拒門自縊。久乃蘓。檻送建康。卒以縊死。達之將破城也。與遇春約曰。師入吾營而左。公營而右。將士人予一牌。曰。掠民財者死。毀民居者死。離營二十里者死。師入而民不知有兵。食寢互市如故。竊相咎曰。奈何久抗王師。達乃遣輕兵渡江。下通州。歸獻俘於戟門。進封信國公。賜綺帛。爲右丞相。亡何議北伐。平章遇春請直擣元都。執孱主以臨天下。帝曰。壯哉。而昔所畫下平江筴也。吾欲先取山東。撤其屏蔽。旋掩河南。斷羽翼。拔潼關。而守之。天下形勢入我掌握。不待麇牧野。

而元都下矣。鼓行而西，雲中九原以遼關隴可席捲也。遂曰：上策之善，於是信國公達爲征虜大將軍，鄂國公遇春副之。馮於北門七里山大會諸將，謂諸將軍非不健鬪，然能持重，師有紀律，戰勝攻取，得爲將之體者，毋如大將軍達。又謂達闔外之寄，汝實任之。茲行進取，必自山東始。大將軍至淮，諭沂州帥王宣與其子信業請降。旣而叛，襲走我使臣徐唐臣等。達怒，急攻下沂州。修宜與其叛黨十餘人王信走。帝勞大將軍達，賜書曰：將軍今何嚮？嚮益都，則必以兵扼黃河，斷其援，卽不嚮益都，西取濟南，濟寧二郡，便兵難踰度。其在將軍，金火二星會於丑分，後火逐

金踰齊魯以時遣取毋失達遂率兵攻圍益都降其平章
老保遂徇濰膠壽光臨淄等諸州邑因兵威諭降樂安淄
川守將移兵下東平進次安山獲右丞杜天祐等逼濟南
走其大帥脫因帖木兒進逼濟寧走其大帥陳平章而以
都督張興祖守之遂與副將軍遇春兵合取東昌所屬州
邑皆下乃籍山東城邑俘獲軍實之數以上洪武元年
帝卽大位立皇太子達兼領太子少傅授銀青榮祿大
夫上柱國錄軍國重事右丞相少傅如故予誥所以推揚
勲略甚至至比之太公鄒禹云達以大兵渡陳橋取汴梁
時左君弼竹貞皆走之守將國公李克彝所克彝謂君弼

公在廬數與南師角若何我悉聽下授公能與戰否君弼曰是未易當有徐相國者善司兵我見之輒膽落克彞乃驅兵民夜開門北走而君弼與竹貞率所部迎降大軍入其城遂由中灤進略洛陽抵塔兒灣元將詹同脫因帖木兒以兵五萬來拒副將軍遇春突斬其前鋒達麾兵乘之元兵潰追五十餘里俘斬無算洛陽大帥梁王阿魯溫以其金印從吏民出降河南平阿魯溫者故潁川王察罕帖木兒父也達乃遣副將軍遇春徇嵩州都督馮宗異康茂才徇陝州福昌陳許諸守帥皆請降遂西克潼關而守之遣使之太原諭降元相擴廓帖木兒遂徇虢州毛葫蘆諸

塞致其兵自益是年五月 帝聞達等平河南爲幸汴梁
居十日達自軍謁行在 上置酒勞之曰將軍哉忠爾忘
身國爾忘家斯之謂與河朔士民恐倒懸以待將軍將軍
宜以時進兵建勳立業此其日矣達與諸將頓首謝旣退
復召達問計達對曰大兵平齊魯掃河洛擴廓自保之不
暇而敢離其穴我西據潼關李思齊張思道魄奪遠竄元
都一筭中孤豚耳誰與爲臂指者臣不佞仗 天威取之
如拉朽因復奏曰師進而彼北奔不窮跡之將爲異日憂
上曰元世祖乘氣運而王我中國今衰矣彼且自漸盡何
煩我窮兵出塞之後固守疆圉防其侵軼可也達遂拜命

次河陰分兵御河北右丞薛羅參政傅友德兵至衛輝平
章龍二走追至彰德龍二復走遂取彰德并廣平大將軍
駐臨青分遣傅友德開陸迫通步騎都督顧時濟河通舟
師遂前下德州常遇春張興祖兵悉會取長蘆滄州擣直
沽據之作浮橋以濟師丞相也速不戰走元都大震抵河
西務敗其平章俺克等遂進抵通州與遇春夾河而軍達
軍東岸遇春軍西岸遇春敗其西岸兵擒國公卜顏帖木
兒等入通州夜三鼓元君及其后妃太子開建德門以其
車服重寶跳踰五日達進師填濠入陳兵登齊化門執其
監國淮王帖木兒不花居守太尉左丞相慶童平章迭兒

必失朴賽因不花右丞張康伯御史中丞滿川等數以奉

北、考、作、用、三、代、以、下、未、

職無狀且不先納款僂之封府庫籍其圖書金玉楮幣以

兵千人守宮殿門使宦寺監護其宮人妃主給餼廩無缺

吏士一切按堵市不易肆已遣指揮華雲龍經理故都城

垣右丞顯叅政友德平章曹良臣都督顯時率驍騎偵邏

隘口楊鎮撫以舟師守直沽捷聞詔達與遇春定山西

遇春以兵先下保定尋下河間下真定而右副將軍宗異

已定懷慶度太行取澤潞大將軍帥大兵繼之使右丞顯

叅政友德以鐵騎爲前鋒略平定州而北時擴廓帖木兒

兵方自保安謀踰居庸關據故都達聞之謂諸將曰擴廓

兵遠出太原必虛北平孫都督權六衛之師足以抗禦我
直抵太原以其巢所謂批亢擣虛也太原下擴廓不戰潰
矣諸將皆曰善遂以輕騎前抵太原而營擴廓之軍來救
鋒銳甚副將軍與達計以步兵未集而輕戰此危道也
虜不解遠斥埃固營壘可掩而取達善之而會擴廓部將
豁鼻馬者來約降請爲內應乃選精騎銜枚夜襲之擴廓
方然燭使二童子挾書以侍卒聞警倉皇不知所爲跣一
足乘驛馬以十八人走大同豁鼻馬降達次日建大將旌
鼓按其營得甲卒四萬馬四萬匹乘勝之大同擴廓遂走
甘肅復遣顯友德以步騎徼破賀宗哲於石州而身率兵

自霍下平陽河州府山西悉平遂渡河鄜城守將迎擊克
同州趣鹿臺時奉元爲都省而平章李思齊據鳳翔張思
道與孔興脫列伯據鹿臺各有重兵以衛奉元思道等聞
達兵至三日遁達遂進渡涇渭至三陵坡父老千餘人出
迎達撫慰之遣左丞周凱入申約束明日師進奉元其約
束如下故都時秦民大悅以奉元爲西安府副將軍兵逼
鳳翔李思齊走臨洮鳳翔下達與諸將議所攻皆以張思
道才不如李思齊慶陽易於臨洮請先由幽州取慶陽後
度隴攻李思齊於臨洮達曰不然思道自守虜耳城險而
兵精卒未易拔也臨洮北界河湟西控羌夷地富而人眾

以大兵感之，思齊不走，絕糧則束手降矣。思齊降，全陝皆我有。遂決筴度隴，克秦州，走其將呂德、張義，至鞏昌。總帥汪靈真保平章梁子中、商嵩等降，遂遣馮將軍以天策羽林諸衛驍騎逼臨洮。李思齊降，得其衆十餘萬，乃以兵攻靖寧，走知院杜伯卜哈度六盤山，襲走豫王，盡獲其部落輜重，使使喻慶陽張思道懼，留其弟良臣以兵守而從輕騎跳之寧夏。遇擴廓帖木兒爲所執，良臣聞之，使使納款。達遣右丞顯率騎士五千，步卒六千往受降。良臣自疑以兵來者，豈捕誅我，乃佯爲蒲伏道左，獻牛酒而夜襲顯，顯被傷走。達怒甚，節日以大軍圍慶陽，而分布精騎使平章

俞通源略其西都督顧時略其北叅政友德略其東都督
陳德略其南慶陽援路絕達進逼西門其平章姚暉等開
門納師良臣父子自投井出而斬之并誅其黨二百餘人
陝西悉平詔達還京師第功宴諸功臣以達爲首稱
其攻取山東河南燕冀秦晉等處州郡克敵致勝振揚國
威撫綏軍民得大將體賜白金五百兩文幣五十表裏且
大論封會擴廓帖木兒規達還悉兵襲我蘭州不克尋敗
我援師殺指揮使于光時左副將軍遇春卒三年上乃
還達大將軍印而以平章政事李文忠代遇春分兵爲二
大將軍自潼關出西道擣定西以取擴廓左副將軍自居

庸出東道從大漠取元嗣主達受命即日行遂至定西擴廓退屯車道峴達進師逼之駐沈兒峪隔深溝而壘擴廓發精兵千人由間道從山東下潛劫東南壘舉軍皆驚擾左丞胡德濟倉卒不知所措達自率帳前卒擊之敵始退德濟故功臣越公大海子也達械之送京師而斬其部下趙指揮數人以徇餘衆皆股栗明日達乃整兵奔溝而戰以身先諸將士諸將士毋不奮前角者遂大破之獲其郟王濟王閻國公平章韓札兒虎林赤等文武僚屬千八百六十餘人士卒八萬四千五百餘人馬萬五千三百匹橐駝羸驢牛羊以鉅萬計擴廓脫身與妻子以十餘騎遁

沮黃河得浮木以渡遂由寧夏奔和林德濟械至京帝
釋之而以書諭達謂將軍自效衛青不斬蘓建獨不見穰
苴之待莊賈乎將軍誅之則已不誅吾且念其信州諸暨
功不得不曲赦以伸吾不忍自今而後將軍毋事姑息達
既以破平擴廓乃使鄧將軍因兵威脇降西蕃而自攻興
元復取之會左副將軍亦以兵襲應昌盡得元嗣主之嫡
孫后妃將相寶玉士馬車服無算先後露布聞詔振旅
還京既至帝爲幸龍江勞之所以慰賜有加授開國輔
運推誠宣力武臣特進光祿大夫左柱國太傅中書右丞
相叅軍國事進封魏國公

光祿五千石予誥及鐵券免

三死子免二死仍世世勿絕賚文綺帛百匹明年復佩大將軍印填北平以便宜徙山後順寧等處軍民戶三萬五千八百口一十九萬七千餘籍爲軍者給月廩爲民者給田以耕凡置屯二百五十四定墾田一千三百四十三頃下、繳、北平軍府之用皆賴之十二月受詔還京師十餘日

帝召達與曹國公李文忠朱國公馮勝宴射賜之交陞

弓五十彤弓百因諭之曰古者諸侯有四夷功賜之弓矢

天下甫息肩得無又有大興乎旬日帝御武樓謂達曰

曠廓遊魂尙出沒奈何達請曰亟發兵坑豎子耳度兵幾

尙曰十萬足矣上曰吾子爾十五萬騎大將軍出中路

文忠以左副將軍出東路勝以征西將軍出西路將各五萬騎轉餉私役者不與達抵山西境都督藍玉爲前鋒敗其游騎於野馬川復敗擴廓於土刺河擴廓遁與賀宗哲合而拒我師於嶺北時師數發銃而易虜驟與之戰不利死者萬餘人達固壘而收之故徹侯功臣無死者虜亦不敢入塞而偏將軍湯和遇他虜於斷頭山亦敗左副將軍出塞道遠乏水後軍爲虜所掩失徹侯曹良臣大校數人然得其士馬輜重略相當獨征西將軍與副將軍友德至西涼屢破虜盡收其妻子以私匿馬馳故賞不行而上以達功大弗問也自是達連歲出填北平歲行盡卽召還

上將印賜休沐以時宴見懼飲有兄弟稱而達愈恂恂恭
謹嘗從容謂徐兄功大未有寧止欲以吾吳時舊邸居若
達固謝不敢一日強沃以酒既醉覆以被昇臥邸正寢達
醒大驚俯伏階下呼死罪不已上益悅命有司爲治甲
第表其坊大功曰令世世毋忘爾功達長女尚燕王
王帝愛子也國北平故達歸將印不踰月輒復之鎮時
北虜漸衰弱而亦畏達威名不敢復犯邊達亦戒守邊者
唯繕城戍簡士馬謹烽堠毋得微功啓釁故終達之鎮北
平十餘歲兵民熙熙有太平色燕王三子皆達女出親
爲王舅與天子夷輩而見王必執臣禮不少間

王以是心念之，又得其用兵法，所練士皆精卒。胡惟庸爲左丞相，儉而貪，以達元勳貴重，因欲內好，達惡之，反賂達。聞者福壽使爲間，以圖達。福壽發之，達亦不問。惟時時爲上言，惟庸不可過委，過委必敗。後惟庸反，帝以是益重達。十七年，達在北平疽發背，小愈。上使達子允恭視之，賜璽書，謂今九夷八蠻大者畏力，小者懷德，非將軍何以臻此。且召之歸而疾益甚。帝憂之，爲延致天下名醫，復禱於山川社稷城隍之神，願假大將軍息數載以寧萬姓。吾他日與之同往，竟不起。十八年春二月卒，年五十四。帝袒跣奔達寢，撫屍而慟，愴然謂羣臣曰：大將軍爲朕股

肱心膂，僇力行陣，東征西討，能平羣醜，克濟大勲，邇者太陰屢犯上將，萬里長城，一旦奪之，悲夫！盡心國家，爲社稷重者，寧復有大將軍，吾何以報！但著其勲烈，宣於金石，以永垂不朽。贈中山王論武寧，追封其三代，皆中山王。而手書其混一區夏，奠安神人之功於墓道，且曰：婦女母所受財寶，毋所取，忠志無疵，昭明日月，惟大將軍一人而已。自達薨，帝所授大將軍印，獨宋國公勝、涼國公監玉而賴川侯友德以功進封公，其受脤亦數然。上待之不能如達，諸所飭厲，唯稱中山王或中山開平二王及燕王卽帝位，所舉中山王以厲諸將軍者不一。

舟州外史曰：高帝之取天下，計初下建康，再與陳友諒角，實在行而其他十七皆大將軍力也。大將軍之廉靖仁武沈幾，筴勝即古名世之佐過過焉。勞而不伐，夙夜匪懈。○學○道○謙○虛○上○與功名終，蓋所以處君臣之際微矣。元女甫配，英主整其成師於十五年後，而資靖難兩都二公光表後裔寵冠羣辟，夫豈幸哉。

開平忠武王鄂國常公

常遇春者濠之定遠人。元末羣盜起，盜魁劉聚得遇春而識之，使爲什夫。長有所攻剽，遇春敢力深入，必剋獲而歸。以是爲聚所愛重。然遇春察其急鹵，略毋遠志。屬高皇

帝駐兵和州乙未遇春偕其私卒數十來歸請願爲先鋒
上曰爾以饑來歸且有故主在遇春頓首泣曰劉聚盜耳
無能爲也倘得效犬馬之力某雖死猶生上猶弗許既
渡江抵采石元兵置陣磯上舟相去三丈餘遇春飛舸至
上麾之應聲挺戈躍而上敵皆披靡大兵乘之敗其衆遂
乘勝取太平始授總管府先鋒無何進爲總管丙申上
已渡江而諸將士家屬輜重皆在北滁和之守備單弱元
中丞蠻子海牙擁舟師數萬襲據采石界其中音問絕
上使遇春多張疑兵而自帥正兵直搗之既合遇春別操
輕舸以精兵橫衝海牙之舟分而爲二左右縱擊大破之

悉俘其精銳，自是元師扼江之勢衰，而南北通矣。遂從取集慶路，再從徐達取鎮江，復爲領軍先鋒。徐達攻常州而降辛叛，與張士誠合而圍達。命遇春以師援之，表裏共擊，大破士誠，復爲總管。進統軍大元帥。明年克常州，遷中翼大元帥。尋從達下寧國，分兵取馬馱沙，遂取池州。戰功最進行中書省都督。又明年擢都督馬步水軍大元帥。又明年從上取婺州，復有功。進鎮國上將軍，同僉書樞密院事，守婺州。遂以其兵攻衢州。衢州下，其院判張斌以卒萬人降。進僉樞密院事。庚子，召還京師。尋從達守池州。大破陳友諒之衆，友諒入寇薄我於都城之龍灣。上設

伏大破之。遇春功復最。上追友諒於江州。遇春留守。用法嚴。軍民肅。欽辛丑。進行省叅知政事。復從。上追友諒於安慶。遂取江州。還督龍濟寨之師。張士誠之大將李伯昇圍我長興急。上遣遇春以大軍援之。兵至。伯昇拔營遁。俘斬其後軍五千餘人。壬寅。城安慶破。池州之叛卒羅友賢斬之餘黨悉平。上所任將帥其最著者三人曰平章邵榮。右丞徐達。與遇春。榮最爲宿舊。且善戰。旣賞而驕。有所不得志。輒謀伏兵置酒要。上飲而劫之。事發。就縛。上猶語諸將。吾欲有榮死以慰勞臣衆。唯唯。遇春直前曰。人臣而以反名寧可。有臣誼不與之共生。上乃飲榮酒。

流涕而僇之以是心益愛重遇春癸卯張士誠別將呂珍圍劉福通於安豐上救之師至而珍已破城殺劉福通矣其兵勢盛而連管水陸爲戰守備甚嚴時汪元帥爲前鋒拔其中壘而據之會左右軍敗汪元帥兵欲出走阻於壘則殊死鬪卒不可敗而遇春以精騎橫突其脅凡三合三勝大軍乘之遂大勝進圍安豐元將左君弼自廬州來救達與遇春逆擊大破之遂移薄廬州且下而友諒傾其國兵來爭南昌上乃趣達遇春廬州之師歸遂從上往救遇於鄱陽湖之康郎山達首敗其前鋒縱火焚敵舟二十艘殺獲以千計而敵不退友諒太尉張定邊奮前犯

上舟適膠淺，遂從旁射定邊中之始引退。上舟
脫而遇春舟復膠淺，乃復力戰以脫。明日復大戰，乘風縱
火焚其舟數十里，湖水盡赤。友諒弟友仁、友貴等皆焚死。
連戰三日，友諒之卒死者過半，而我兵所亡失亦略相當。
既出湖口，諸將佐氣稍稍奪，欲縱之去。遇春獨不言。
悟乃移舟扼上流，而別出奇兵絕桐道。凡旬五日，友諒軍
食乏，其左右金吾將軍皆降。友諒迫以百艘突圍湖口，
上蹴之，自晨至酉，友諒中流矢死。乃班師飲至，策勲以遇
春及廖永忠、俞通海爲首，賜土田金帛過當。復從上討
友諒之子理於武昌，圍甫合，而其丞相張必先自岳來援。

遇春以五千騎逆擊破擒之必先友諒驍將也甲辰陳理
魄奪出降進遇春中書平章政事尋從徐達取廬州始別
將兵略定臨江之沙坑麻嶺十洞牛皮等寨乙巳遂定贛
州下南安南雄韶州諸路師還取安陸襄陽丙午復從徐
達克泰州巴克高郵狗淮安徐宿安豐悉下之丁未大發
兵討張士誠命遇春仍副大將軍徐達行舟師出太湖擒
其萬戶尹義等直趨湖州之毘山與士誠兵水陸鏖戰敵
大潰遂薄其城飛車戰艦高與城堞埒其丞相士信掃境
內兵來援築壘舊館壓我師之背遇春率奇兵出大全港
入營於東阡却壓其背士信急抽精兵搏戰遇春鼓將士

立破之復。厥其援其六。其歸於烏鎮。士信跳。舊館之卒六萬悉降。湖州下。遂進。臨平江路。縛士誠以歸。藉其兵得二十五萬時。上猶稱吳王。召見戟門。所以慰勞備至。進銀青榮祿大夫。上柱國。錄軍國重事。封鄂國公。上念遇春功大。欲尊賞之。而李善長徐達已爲左右相。國不能復置相。乃以遇春爲平章軍國重事。制祿秩與相國等。復議討中原。遇春有所獻策。大較欲輕兵直擣其心腹。肢節當自解。上特重不之用也。而心服其勇。至是命遇春爲征虜副將軍。與大將軍達率步騎二十五萬以北。上親馮旗於龍江。諭諸將當百萬之衆。摧鋒陷陣。所嚮披靡。無如副

將軍遇春第吾不虞其不能戰虞其輕戰耳夫遇春大將也而好與一小校爭能甚非吾所望也遇春頓首拜詔既與大將軍合略定山東諸郡洪武元年遂破汴梁走其帥李景昌進攻河南元兵五萬陣洛水北將合遇春單騎突其陣敵以二十騎攢槩刺遇春遇春發一矢殪當先者大呼而入麾下壯士從之遂盡殺其二十騎敵遂大潰河南下諸郡邑悉平五月上幸汴梁遇春馳入謁上勞之曰將軍與大軍北征不踰歲而下中原之功亦大矣勞且倍矣遇春頓首謝上悅三日發復往河南遂與大將軍略定河北進逼其大都元主北走遂移兵徇太原元

太傅河南王擴廓帖木兒自保安還師來援其鋒銳甚遇春與達謀夜劫之擴廓果潰走太原下改遇春爲左副將軍居右副將軍馮宗異上二年取大同轉徇河東西渡關下奉元路遂與宗異合而西逼鳳翔其平章李思齊率所部十餘萬衆奔臨洮鳳翔下會元丞相也速以兵寇通州至白河而遁上乃遣遇春以所部馳至故元都部署將士而浙江行省平章李文忠副之遇春謀元主在開平乃選步卒八萬騎一萬取道三河經鹿兒嶺抵惠州敗其將江文清於錦川獲士馬千計次全寧遂與也速遇復敗之進次大興州遇春使分千騎爲八伏徼其歸大興之守兵

走伏發遂大敗，擒其丞相，脫火赤，遂薄開平元主已前走。追北數百里，俘其宗王三人及平章鼎住等斬之。凡得將士萬人，車萬輛，馬三千匹，牛五萬頭，子女貨寶稱是師還。次柳河川，暴得疾卒，年僅四十。上爲震動，喪車至龍江，親出奠，爲文哭之，叙其功甚詳。已而大慟，始命有司制闋。大臣計用宋太宗爲韓王，趙普舉哀禮，擇葬地鍾山之陰。冥器芻靈凡九十，一切皆官給，不以煩其家。仍驛書報大將軍達使歸而會葬，特贈翊運推誠宣德靖遠功臣，開府儀同三司，上柱國，太保，中書右丞相，追封開平王，諡忠武。復推恩王其三代，皆賜諡，明年論功，賜金幣一與大將軍。

等而封子茂鄭國公歲祿三千石予誥券配饗高帝廟
庭與祠雞籠山功臣廟皆次大將軍爲第二王爲人沈鷲
果毅撫士卒與同甘苦出則摧鋒退則殿後未嘗敗北雖
不習書史而用兵決勝與古人合年差長於大將軍二歲
數從征伐奉節制進止赴期不敢爽毫髮大將軍雅亦推
愛之終始無小間唯性稍好殺而淫以此不能比大將軍
而一時稱名將者猶曰徐常徐常云而上亦均重之晚
節每舉以勵諸將帥必曰中山開平二王不偏廢也鄭國
公茂弱冠而封其婦父爲宋國公馮勝以謀宋國公北征
納哈出不奉約束削爵安置廣西之龍州然猶念遇春功

別封次子昇爲開國公。明年加太子太保。建文末以抗
靖難師安置雲南。臨安憂死。弘治中錄六王後曾孫復得
拜南京錦衣衛指揮使。嘉靖中繼絕世。乃更封懷遠侯。

鄭端簡曰：嘉靖十年進劉基術窳。太廟并議常李鄧湯

四王後十一年吏部會議遇春文忠愈和皆戮力中原廓
清方夏曾不再傳而子孫微替歲月彌久莫敢訟功迨我
孝宗憫焉下詔錄其裔孫四人爲錦衣衛指揮使。皇

上神聖天啓動遵祖法特詔誠意伯劉基裔孫世爵

又推念四臣之功俾悉如基議從事廣祖宗崇德報功
之仁修聖王興滅繼絕之典臣等遇昧謂四臣宜世其爵

制曰可封常玄振懷遠侯李性臨淮侯鄧繼坤定遠侯湯
紹宗靈璧侯各食祿千石與世券
弁州外史曰封鄂而諡忠武唐之尉遲氏宋之岳氏併闢
平而三。

岐陽武靖王曹國李公

岐陽王李文忠泗之盱眙人父曰貞母 上之長姊也生
文忠甫十二而薨時淮南北盜起父貞携之東西走鋒鏑
間幾不能活甲午聞 上起兵滁陽間關往投至則相抱
而哭時 皇子幼 上多蓄童穉之材勇者子之使文忠
冒國姓而從 皇姪文正列延師誨之讀書史習兵法

上嘗携所業傳示幕僚曰平世一卿士也雖然要當於馬
上習之丁酉俾以舍人從軍策應池州奮擊破陳友諒之
卒驍勇爲諸軍冠時年僅十九無何以舍人率所部取青
陽石埭旌德皆下之戊戌敗元樞密院判阿魯灰於萬年
街遂敗苗軍于於潛昌化獲其婦女輜重甚夥文忠以士
飽飲且驕夜潛殺所獲而焚其輜重曰患不力戰耳何患
不富貴遂前襲破洪元帥營降其衆千餘己亥會鄧愈胡
大海之師取嚴州超爲帳前總制親兵左副都指揮使兼
領元帥府事鎮之時嚴新下城壘未固而張士誠來爭挾
苗獠之衆水陸數萬人奄至辛丑文忠以輕兵從陸逆擊

大破之，載其首，擗之槎，放之中流水。兵見而夜遁，遂克諸暨。壬寅，進浙江行中書省左丞。苗將蔣英賊殺其帥叅政胡大海以叛，文忠急擊破之，蔣英走。癸卯，諸暨守將謝再興叛，挾張士誠寇我東陽。文忠馳救，復破之。再興走，文忠以反側郡處，兩叛間，又與強虜接壤，而練兵繕甲，屹不可屈。始文忠所築，逼諸暨而城者，曰新城。士誠之司徒李伯昇悉兵二十萬來圍文忠，救之，令去城十里而軍，守新城。將胡德濟謂賊勢盛，蓋少避之，以俟大軍。文忠曰：「俟大軍，城爲彼有矣。」將在謀不在衆，遂誓師而鼓之，曰：「彼衆而寡我寡而整，且聞彼之輜重山積，是天以富賜若也。」勉之，戰。

既合文忠橫槊引鐵騎數十乘高馳下直出賊陣斷其中
堅縱橫搏擊所向草靡賊駭亂相蹂躪大軍乘之城中守
兵亦鼓噪而出遂大潰斬首數萬級擒將校七百人委棄
鎧仗芻粟彌亘數十里伯昇僅以身免甲辰上召文忠
歸宴勞彌日賜名馬金幣甚厚乙巳進右丞使統全浙兵
攻張士誠之杭州丙午取桐廬新城富陽進攻餘杭一夕
而下叛將謝再興之五子降丁未杭帥潘原明使其員外
力彞納款文忠詰之曰兵未交而遽納款得無爲緩師計
乎彞謝曰王師所過秋毫無犯杭之吏民鼓舞而慶有主
自不能緩非敢緩也文忠於是引入臥內與飲而授之約

東、明、日、原、明、如、師、師、遂、入、文、忠、營、於、麗、譙、下、令、曰、敢、有、擅、入、民、居、者、斬、有、一、卒、下、借、民、釜、立、磔、以、徇、就、軍、中、加、榮、祿、大、夫、行、省、平、章、政、事、還、李、姓、洪、武、元、年、上、卽、位、封、文、忠、父、貞、恩、親、侯、食、祿、奉、朝、請、上、念、姊、已、久、死、獨、貞、在、而、又、醇、謹、宴、見、不、以、時、每、有、征、行、輒、令、守、官、省、文、忠、旣、父、子、當、腹、心、寄、親、重、無、與、比、尋、討、平、閩、之、叛、寇、還、爲、偏、將、軍、二、年、從、開、平、王、遇、春、北、討、由、遵、化、度、鹿、兒、嶺、進、薄、上、都、克、之、廷、元、君、獲、其、士、馬、萬、計、俄、而、開、平、王、卒、文、忠、代、將、詔、移、兵、陝、西、與、大、將、軍、春、而、攻、慶、陽、行、次、太、原、慶、陽、則、已、平、而、虜、東、攻、大、同、甚、急、文、忠、曰、兵、可、無、西、也、援、大、同、便、軍、吏、以、爲、

疑文忠接劔此白關外之事吾得而專之敢言不援大同者斬遂出鴈門次馬邑敗其邏騎數千擒劉平章進次白楊門擒四大王前軍已去虜五十里而營又忠遽移之五里前阻水自固虜果夜率衆來劫我不可動質明文忠望見虜益大至乃以二營委虜伴死戰久之度其饑疲乃選精兵爲左右翼奮擊大破之乘勝逐北擒其驍將脫列伯俘斬及降者萬餘人窮追至莽哥倉而還論功賜金幣賞大將軍之半三年進征虜左副將軍與大將軍分道北討文忠以十萬人出野狐嶺降其守將進師察罕憐兒擒其平章祝真亦知元順帝殂太子愛猷識里達臘卽位其衆

離文忠喜兼程而進太破其候騎遂圍應昌明日破之太子走獲皇孫買的里八剌后妃宮人暨諸王省院達官將吏等駝馬牛羊無算并獲宋元玉璽金寶十五玉冊二鎮圭大圭玉帶玉斧各一選精騎窮追至北慶州不及而還道興州降其兵民三萬七千人至紅羅山又降其兵民萬六千餘人捷聞上大悅爲御奉天門受羣臣朝賀大封功臣文忠爲開國輔運推誠宣力武臣特進榮祿大夫右柱國大都督府左都督曹國公同知軍國事食祿三千石賜誥券世襲尋領都督府事四年西蜀平命文忠因兵威拊循其地五年復以左副將軍北討出東路師至哈刺

莽來虜先遁文忠乃畱輜重驢駒河人齋二十日糧兼程
進至土刺河元太師哈刺章蠻子悉衆渡河留其妻子北
嚮而嚴騎以待文忠力戰却之逐北至騁海虜來益衆文
忠乃據險自固而多張疑兵以劫虜虜疑稍稍引去文忠
亦解而歸迷失道乏水渴死者甚衆文忠患之忽所乘馬
跑土泉隨湧出土馬賴以濟乃自爲文刑牲祭之文忠軍
雖名爲全而所失多得不足償而大將軍之出中路者竟
敗績矣六年將兵出朔州擒其太尉伯顏不花七年總兵
駐代縣分遣兵出至三不刺者俘其平章陳安禮至順寧
陽門者斬其知院珍珠驢至白登者俘其國公鄧孛羅帖

木兒又破大寧高州斬其宗王朶朶失理皆鹵子女人畜
歸虜益避遠邊境無事文忠與大將軍皆折節延諸儒生
講說經義而文忠尤號有文采上益雅重之始命與李
善長通知中書省大都督府事御史臺事又命大事皆取
二公處分中書省革命文忠特參軍國大計幾如大將軍
十六年命兼領國子監事熱、原、而、有、文、者、人、而、已。十七年二月得疾上幸其第
撫摩久之揮涕而別卒年四十六贈岐陽王諡武靖父貞
初亦封曹國公別食公祿前文忠卒亦贈隴西王諡恭獻
有二子景隆增枝景隆少奉文忠教齒諸生闕與天台方
孝儒善既襲爵與魏國公輝祖等分鎮中原要地進掌左

軍都督府加太子太傅。上崩，皇太孫立，景隆益以肺

腑見親任，而增枝亦屢遷至左都督。時兵部尚書齊秦太

常卿黃子澄得幸，上謀削弱諸王，故燕兵起，齊秦黃子

齊黃子澄

澄皆才，景隆而薦之，乃命景隆爲征虜大將軍北伐，用裴

度故事，賜通天犀帶。人主爲推輪，親送之江滸，且令得

以一切便宜，誅賞時諸宿將，鮮存者雖存亦已老，又皆景

隆諸父行，怏怏不肯爲之下。景隆暴得意，自尊大，每升帳

點高坐，毋敢與抗禮。會兵五十萬，乘燕王攻大寧，進薄

北平，築壘九門，爲長圍，欲以困燕。王還師，景隆逆戰，大

敗，死者十餘萬。明日九門師潰，死者復數萬，乃退走。王

攻大同景隆引兵出紫荆關時寒甚士卒墮指戰於白溝河北九三日復大敗殺溺及被俘者幾三十餘萬景隆乃奔濟南燕王來追復大敗死者二萬餘濟南遂見圍以

參政鐵鉉堅守得不下始

人主未知敗問與泰子澄謀

以景隆權尚輕

特賜黃鉞金鉏朱弓矢使者渡江而風

矢之復製以賜而景隆敗問至矣召還既陛見黃子澄

慚憤極執景隆於朝班慟哭請誅以謝天下人主莫能

問也又二載燕兵渡江駐龍潭人主懼乃使景隆同

尚書茹瑺都督王佐謁燕王以割地講和請王笑曰

事至此何地可割吾但欲得奸臣耳於是景隆等蒲伏密

輸款歸佐谷王守金川門。燕王至，景隆等開門奉迎。王
卽位，以景隆等默相事機，改號曰奉天靖難。階曰光祿大
夫勲曰左柱國，增祿歲一千石。其太子太師如故，賞珥洪
成二公，改修高廟實錄爲監修總裁，諸裁定功賞大興。
革景隆猶以班首主議。天子雖外示崇重，而心恨之。諸
功臣咸扼腕謂彼白刃刺我，而今以降虜踞我上，其又明
年刑部都察院大理寺臣論劾景隆包藏禍心，蓄養亡命，
與其弟左都督增枝謀爲不軌。已文武大臣太子太傅成
國公朱能等吏部尙書蹇義等復言之。已六科都給事中
張信等復言之。乃下詔盡削景隆勲階官號，絕朝請。勲

歸私第猶以長公主故不奪其爵亡何羣臣復言訶事者
至其家景隆猶坐受關人伏謁如君臣禮大不道復株及
左都督增枝因詔併奪增枝荊州帥符逮之與景隆同繫
私第盡沒其莊田寶貨圖籍此本下之減獲入之官而所繫者皆親
屬矣嘗絕其食旬日不死始稍稍給食至永樂末而景隆
竟以凍餒卒正統中增枝猶在以恩例聽自便又數傳而
其玄孫璿爲南京錦衣衛指揮使卒子濂襲卒子性襲嘉
靖中繼六王後封臨淮侯勲號階祿同懷遠侯卒無子叔
父沂嗣卒子庭竹嗣卒子言恭嗣好文學

弁州外史曰 高帝起民間兄之子獨大都督文正姊之

子獨岐陽王大都督不善居勳父子以廢徙而高帝念之不絕蓋二百餘年而南面猶故也臨淮之紹侯其亦高帝遺意哉

黔寧昭靖王西平侯沐公

沐英鳳陽定遠人父母蚤亡上收爲子旣長溫爽有姿概機穎過人初與李岐陽等俱冒國姓賜名文英差次

皇從子文正數從上征伐入侍帷幄晝夜勤勵目無

廷視上心器之壬寅年十八用爲帳前都尉從守鎮江居四歲擢廣武衛親軍指揮使加授昭勇大將軍以所部從下福建擒平章陳友定洪武元年歸其姓沐而單名之

曰英、擢鎮國將軍。三年，僉大都督府事。明年，進榮祿大夫，同知大都督府事。時都督不爲階官，而英特受。上心膂托九年，命乘傳繇陝西巡行諸路。布上恩惠，事有不便者，輒更置而後聞。且使練諸部兵，以待明年。遂副寧河王征西番，西渡黃河，際烏思藏，耀兵至於崑崙，轉戰數千里，俘虜士卒萬計，馬、駝、牛、羊十倍。師還，而寧河王道卒。英代將其衆還。京師封西平侯，進號開國輔運，推誠宣力武臣，勲柱國，食祿二千五百石，賜鐵券。又明年，拜征西將軍，窮追西番，降元萬戶，迄失迦夷。其部落擒洮州十八族番酋，并其衆二萬餘，雜畜二十餘萬，平朶甘納兒七站地。

數千里復率所部蕩和林轉略亦集乃渡黃河登賀蘭擒
伏聽者得穹廬所止涉流沙分兵四翼薄其營自率精騎
衝中堅大破之獲大帥國公脫火赤知院赤愛足覆其全
部十四年以所部從大將軍出古北口襲公主山長寨掩
四部卒渡驢胸河獲知院李宣十五年以征南右副將軍
同潁川侯傅友德永昌侯藍玉下雲南絳辰沅出羅鬼遂
躡普安至白石江梁王把匝剌瓦爾密遣其司徒達里麻
遜甲十萬來拒柘川侯欲濟師英以諸軍嚴陣若渡者而
奇兵潛從上游逸出賊後賊陣動大軍乘而擊之勁戰自
且至脯生縛達里麻賊大潰僵屍百里直抵雲南諸郡皆

下獨大理猶爲元守，英與元昌攻之，擒段世，拔大理，移兵取卑里平緬，不浹月，雲南郡邑悉平，復與賴川侯分道平東川烏蠻寇，而夷兵叛者，合圍雲南，守帥馮誠告急，英簡萬騎馳救之，賊夜遁，乘勝急擊，遂悉復曲靖永昌之失守者，是年諸將班師，詔英留鎮雲南，英鎮之三歲，平廣南蠻而破平摩沙勒，斬首千餘級，二十一年，麓川宣慰思倫發聚其衆三十萬來寇定遠，英選卒三萬拒之，馮誠領前軍，甯正湯昭爲左右，大戰左軍小却，英令左右斬左軍帥首，左帥遙見一人拔刀馳下，卽麾衆復前，英責戰益急，不移時寇大敗，明年復平東川，破叛酋阿資入朝，錫宴。

於奉天殿，賚黃金二百兩，白金五千兩，綵幣百襲，鈔五千錠，陛辭。上撫之曰：使我高枕而無南顧憂者，爾也。英歸鎮。二十三年，復大破阿資衆，走之。二十四年，使使以兵威折脅八百國，并諸番，有重譯貢者。初，英留鎮之明年，哭孝慈皇后，再鎮之三年，哭懿文太子，極哀，吐血卒。年四十八。計聞上慟哭，命以喪歸，賜葬觀音山，追封黔寧王。諭昭靖，侑享太廟。有五子，其一子早卒，而三子遞鎮雲南。少子昕尚文皇帝公主，爲駙馬都尉，屢掌南京都督府。以壽考終，惠襄侯春者，英長子也。年少有才武，嗣英侯繼。填雲南，留意屯田水利，平緬甸，東川叛夷，復平越，嵩阿資。

才千孟諸若三十一卒年三十六諡惠襄無子弟晟以
都督嗣時岷王之國雲南與晟交惡上貽書王謂晟少
孤不練事毋深責之吾當別飭晟然卒以王他故徙國楚
而晟自如建文之自焚也文皇意其匿晟所使使詞
察無狀乃已麓川宣慰使不能制其下諸蠻逐之而擅其
地晟以大兵討之分其地爲孟養木邦孟密三府鎮沅威
遠二州平滬潞江清甸大侯者衆五長官司而歲徵其貢
賦又於潞江之西置騰衝千戶所以控之夷遂帖息八百
國之長使其獮帥以蠻衆來犯晟發兵使別將逆擊而自
拮其後至蒙自蠻退走追獲其帥賜璽書侑以金幣

文皇四年安南逆臣黎胡奩弑其君并戮我使者以虜爲

征夷左副將軍率雲南諸衛所土漢兵由蒙自經野蒲斬

水通道以入前鋒奪猛烈棚華關隘賊散走造舟以濟師

略靖之夜果十一奇功五王焚及也

分遣所部據澳沕寺沙昇舟夜出洮水步騎夾之遂渡富

良江與征夷將軍新城侯輔兵合破多邦城柵繼擣其東

西二都及盤灘困收櫓江仙侶等賊胡奩及其父僞上皇

季犛狼狽棄其衆獨携家屬及左右心腹遠遁晟等窮追

至日南州奇羅海口擒獲無遺得郡四十八縣百八十六

凱旋入朝論功賜號顯忠輔運推誠宣力武臣階特進

榮祿大夫勳右柱國封黔國公歲祿三千石子孫世世勿

絕賜誥券玉帶金幣寶鈔既大宴上御製詩褒美之再
宴於便殿還鎮雲南無何胡空之餘孽僞上皇簡定作亂
命晟兼征夷將軍討之不利於是英國公輔復以征虜副
將軍率兵合而破之獲定等檻送京師伏誅召英國
還僞王陳季犛等尙未平晟連戰不能下又復命輔捕季
犛等送京師晟亦受賞白金三十斤寶鏹三萬錠綵幣
三十有副仁宗卽位召還宴勞賜金幣加太傅還鎮
自是宣英二帝嗣位賞亦如是麓川思任發反侵略騰
衝南甸詔諭之降不從晟使都督方政等爲前鋒而大
軍繼其後破平景罕等寨斬首三千餘級獲象二十餘政

恃勇以輕騎前搏賊敗績死晟退師至金齒 詔還鎮內
慚懼得疾至楚雄而卒 詔官為治葬賜祭追封定遠王
諡忠敬晟戰數不利 天子以絕遠且世將藉而隱焉滇
人攝服晟父子威信莊事之無異人主每片紙下上首所
具威儀出郭迎迓盟而後啟曰此令旨也前後置圃墾田
業三百六十日吾日食其一足矣晟有子斌斌尚幼嗣公
不能將其軍於是晟弟昂以都督同知佩印代鎮復討麓
川不利靖遠伯王驥等兵與合始平之昂得遷為左都督
賜金幣加等卒贈定邊伯諡武襄斌嗣公之十一年薨贈
太傅諡榮康子琮幼不克嗣於是從兄璘以才舉為左都

督代鎮卒弟瓚爲都督同知復代鎮前後凡十五年而琮始嗣公又明年始佩征南將軍印爲鎮守前後平馬隆麗江劍川順寧羅雄等蠻累賜救寔獎加太子太傅嗣公凡三十二年而卒無子以都督同知瓚之孫都指揮誠之子崑嗣朝議以崑爲西平侯之裔孫當從侯爵而守臣爭之謂南人知黔國公不知有西平侯也侯之恐爲所輕崑十四歲而拜公爵尋以征南將軍填守祭兵平龜山竹箐蠻諭定孟養孟密之爭寨者又合川貴二鎮兵平米魯亂再擒師宗州賊張長受南安亂酋那代三賜聖書獎諭再益歲祿百石加太子太傅嗣公二十四年卒贈太師諡莊

襄子紹勳嗣公十六年而卒子朝輔嗣十一年而卒父子皆加太子太傅贈太傅二子融鞏皆甫襲而殤朝輔之弟朝弼當嗣虐其嫂且錮之不使還南京於是上疏相訐久之始得贖佩印填守其淫惡益甚且旅拒王命詔削其爵以子昌祚嗣且代鎮而朝弼復欲殺其子逮至京錮于南京之故第以幽死

弇州外史曰英以慎靜饒兵略爲天子軍路監縷以開滇土展武則不競而德繼之世保赤社爲明藩屏偉矣鄭端簡曰孝陵初起多畜養子每郡邑下輒遣養子出守蓋二十餘人而昭靖王功最大有徐司馬者揚州人九

歲棄道傍。上得之名馬兒，既長，出入侍左右，征行守禦，有功。歷陞都督僉事司馬，好文學，謙恭禮下，士大夫浙東、河南尤著惠政。公暇退居一室，蕭然如韋布。及卒，家無餘資。稱賢將云。又有何文輝，滁人，初名道舍，守宣城，潼關，成都，北平，鴈門，從征淮東，姑蘓，福建，陝西，四川，尤有功。建寧時，建寧人降文輝，主帥胡廷瑞怒，欲屠其城，文輝力止之，曰：「吾與公奉命安百姓，乃以私忿殺人耶！」遂止。朱文遜者，從定江左，淮南有功，授元帥，拒漢兵戰死。朱文剛，初名柴舍，從定江左，授元帥，與耿再成守處州，苗帥叛，文剛急收兵出戰，揮劍斫賊，大罵死。文遜、文剛，未詳何許人。

寧河武順王衛國鄧公

寧河王鄧愈者泗州虹人父曰順興有三子長曰友隆仲
卽愈元末羣盜起江淮順興從鄉里少年據臨濠與元兵
拒戰死友隆代之復病死愈復代之是時愈年僅十六衆
頗少愈旣出戰則先登陷陣無所不摧破衆乃喜曰使仲
君早將何至以首予敵會高帝駐師滁陽愈自盱眙率
所部來附授管軍總管遂從渡江克采石取大平元將陳
也先合蠻子海牙之兵凡數萬上禦之戰甫合而愈與
徐達率奇兵繞出其後大破之獲也先蠻子海牙走遂從
下建康略定溧水破鎮江愈功最多擢廣興翼元帥克廣

德州長鎗軍謝元曰：賊不念自輕，兵背城戰，走之，俘其總管武世榮，移鎮宣州。別將兵取休寧，績溪與胡大海合而攻下徽州，走其將元之苗軍楊元帥，以十萬衆來爭，愈與大海分道逆戰，虜其大校百五十八人。婺源之裨帥汪同來降，愈遣驍將王弼、孫虎等進逼其城，破殺其守將鐵木兒不花，婺源下，尋遣萬戶朱國寶向高河壘，遂由昱嶺關進攻建德，破其長鎗元帥余子貞，遂克建德，以爲嚴州。進同僉行樞密院事，破元將苗楊之兵於烏龍嶺，進僉書行樞密院事。饒州下，愈入守，數與陳友諒角，有功，進中書省參政，兼總各翼軍馬，愈乃廣布威德，撫納降附，以兵

取浮梁走其叅政侯邦佐轉戰樂平敗蕭總管之衆獲萬戶彭壽等諸屬邑皆下遂進圖洪都駐師臨川之平塘時吳宏旣歸上上因其兵使取撫州撫州帥鄧克明欲與宏拒而畏愈強乃遣人詐獻地以緩我愈詎得之卽率勁兵間道夜馳二百里黎明下其三門克明單騎走傍邑自度不免乃以分省印及所掠撫州等四路南豐等十八縣印詣愈降愈遂定撫州於是上進兵取洪都降其丞相胡廷瑞平章祝宗同僉康泰等召愈以步兵來會改江西行省叅政填之而命祝宗康泰仍故官以所部從宗泰初不欲降迫胡廷瑞意怏怏不自得又以愈秩卑不欲爲之

下而廷瑞既從。上還建康，從容爲言降故非宗秦意，恐有變。時右丞徐達方進攻楚，乃發使使宗秦等以所部從行。舟次女兒港，遂謀叛，掠商舟布爲旗幟，夜趣新城門，舉礮破之而入。愈時倉卒，以數十騎走，數與賊遇，且戰且走。從騎被殺，且盡，愈窘甚，連跨三馬，馬輒踣，幾不免。最後得養子馬乘，乃得脫，奔撫州門，奔還建康，以情歸於上。上弗罪也。而撫之右丞達兵復洪都，走祝宗，而執康泰矣。於是大都督文正開府，洪都愈次焉。明年，陳友諒圍洪都，號五十萬，治戰艦，高與城等。文正約束將士，乘城守，而愈得撫州門，最爲要衝。愈晝夜不解甲者三月餘。上來援大

破其兵射友諒殺之。圍始解。論功與克敵等。尋破平鄒青等二萬人於永豐。從開平王遇春蕩臨江之沙坑麻嶺。洞諸山寨。圍贛州。下之。南安南雄韶州諸路悉降。進行省右丞尋進湖廣行省。平章政事平章位次丞相。而愈時年二十八。兵興諸大將蚤貴。無有如愈與李文忠者。出鎮襄陽襄陽西接巴蜀。南控楚北襟河洛。烽火旌壘相望。愈披荆棘立軍府營屯練卒。威惠甚著。吳王初建御史臺。首拜右御史大夫。時左大夫湯和討方谷珍。愈獨領臺事。及大將軍經略中原。而愈以征戍將軍略定江淮。未附州郡。進兵取唐州。又取南陽。生獲守將蔡國公史克新等。遂取

隨州守將左丞王誠降，覆洪山之老馬劉寨，斬獲以萬計。均房金商地悉平。洪武元年，帝卽位立，東宮愈兼太子。右諭德三年，以征虜左副將軍從大將軍出隴右，大破王保保於定西，悉覆其衆。別將招諭河州土番大酋何鎖南、普花兒只等請降，其西烏思藏等亦降，皆入貢請受。天子封師旋大論功，封開國輔運推誠宣力武臣特進榮祿大夫右柱國衛國公，歲祿三千石，予鐵券，子孫世襲。五年，以征南將軍討平澧州等處溪洞蠻獠。十年，吐蕃諸部爲梗，劫剽烏思藏，貢使輜重愈以征西將軍率都督同知沐英等分兵爲三道，深入其巢，窮追至崑崙山，斬首捕虜。

以萬計，鹵馬牛羊十餘萬，捷聞。上悅，使使召還。至壽春

而卒，年四十一。上聞訃，哭之慟，輟朝三日。喪車至三山

門，親臨奠，行營視葬地，以故坐隘，改卜於城南西山之原。

葬事皆官給，追封寧河王，諡武順。是役也，都督英得封西

平侯，愈爲人沈毅詳敏，其事。上最恭慎，有所委，不憚危

苦，功成不矜，敬禮賢士大夫。上心重之，命朱夢炎爲製

神道碑，五子而鎮襲，改國申，亦數將兵，從大將軍。卒，年三

十三，無子弟，銘爲錦衣衛指揮僉事。有子源，當後鎮而天

永樂中，子挺，停襲。挺子炳，弘治初，復爲南京錦衣衛指揮

使卒。子繼坤，襲嘉靖初，繼絕世，封定遠侯，助號階祿，視懷

遠侯卒子祖錫嗣卒世棟嗣

弇州外史曰愈之初以敢戰深入名亡幾而建方面勲最多而不甚偉然汗馬者無寧歲矣儋爵上公帶礪六王而以天死不獲終饗或謂高帝末功臣鮮自保者得天為幸是不然以愈之忠順勤勞雖為畢萬可也余游襄陽襄陽人至今稱衛國公

東甌襄武王信國湯公

湯和字鼎臣濠人滁陽王之據濠也和從惡少年十餘人伏劍從是時高帝以王壻寄肺腑請於王與和共事和遂從帝取洪山寨復從下滁州取和州當是時諸將皆

帝等夷莫肯爲下而和長帝三歲顧謹執部曲禮上

甚悅從上渡江下采石定太平陳也先復來寇和擊其

水軍流矢中左臂不爲撓尋與中山寧河二王自東門出

甲轉戰至城北大破擒也先以獻別將下溧水復從平建

業與中山王取鎮江進統軍大元帥守之略定金壇覆窩

莊戍轉同僉樞密院事從取常州爲其守帥與張士誠境

接和頗好飲有酒過嘗請事於上不獲允醉而有怨言

曰吾填常州如據坐舍脊左顧則左右顧則右誰能難也

上聞隱不發和醒亦大愧悔悉力拒士誠再破其軍遂從

中山王大破士誠於錫山僂其裒將還拜中書左丞與中

山王分省而治，復同開平王解長興圍，大破士誠之僞丞相士信軍，超拜平章政事。乙巳，討平江西巨盜姚大膽，取永新，還守常州。丙午，從中山王討士誠，進略太湖，降其舊館師，轉戰湖州，降其守帥張右丞，復降其吳江州將，遂圍姑蘇。凡九閱月而後下。上召見戟門，論功，賜帛九有副。上卽大位，始建御史臺，爲左御史大夫。立東宮爲太子。左諭德時方谷珍猶據溫台，慶元三郡未下，和以兵討而威之，悉得其衆以降，遂移兵取福州。時洪武元年也。陳友定猶爲元守建寧，城險兵勁，利以征南將軍率諸將攻下建寧。虜友定以歸，是歲扈。上幸汴梁，遂同宋國公馮勝。

取懷慶澤潞晉絳諸郡三年從中山王拔河中渡河入潼關趣鳳翔越六盤山秦隴皆蕩平明年復從中山王大破元丞相擴廓帖木兒於定西遂定寧夏追虜於察罕腦兒虜其猛將虎陳是年九月大封賞功臣與衛公鄧愈俱爲御史大夫以功不如僅封中山侯爲開國輔運推誠宣力武臣榮祿大夫柱國歲祿千五百石始露其守常州時語和惟頓首謝過而已明年爲征西將軍與副將軍廖永忠等以舟師自夷陵入峽攻夏扼險不得進永忠趣之和而決而征虜副將軍穎川侯友德自秦隴深入取漢中永忠乃決計先入破其扼險之師長驅抵重慶夏主明昇以重

慶降而友德亦定成都蜀平天子推功友德永忠受上
賞責數和逗撓而姑予之彩帛八和復頓首謝罪又明年
和以偏將軍從中山王北討分道擊賊戰於斷頭山敗績
失徹侯一人久之進濠州爲中都鳳陽府命和與太師李
善長於其地建宮闕分置曹署以久勞於外數賜璽書
慰勞尋覽通州之外郭八年徙鎮彰德覽其城上以和
用兵數失利不任將而堅忍多智數又能與太師善長抗
故時委以綜理之任輒効且念其爲里閭長者十年竟封
和爲特進光祿大夫左柱國信國公議軍國重事歲食祿
三千石與誥參明年同曹國公練卒中都西巡至河州繕

完其城廓營舍十四年從中山王北伐覆灰山營獲其平
章刺里哥樞密副使九通又明年巡四川永寧之塘濠訓
練其士馬十八年五開山獠亂和以兵討之夷其穴鹵斬
四萬餘時中山岐陽二王皆以物故上念天下無事不
欲諸大將屢典兵而和從容爲上言臣老不敢稱畫繡
願得歸故鄉爲容棺之墟以待盡上大悅立賜寶鈔五
萬錠治第於中都尋悉爲諸功臣魏鄂曹宋頽涼諸國公
故侯治第皆極宏壯既而謂和日本叢爾夷數爲侵盜我
欲固我封戍卿雖老強爲一行於是使和行視山東登萊
淮揚吳越閩嶺濱海要害築城凡數十民取一丁爲兵戍

之和竣事而新築成，和率妻子陞辭，賚黃金三百兩，白金二千兩，鈔三千錠，綵幣四十有副，又賚其夫人黃金二百兩，白金一千兩，鈔五百錠，綵幣三十有副，夫婦皆賜璽書褒諭。其又明年，魏曹等六公還鄉，賜皆如信公，而夫人不與焉。自是和與諸公侯歲一朝。京師朝必有宴賞，及道里費，而諸公侯猶不時遣鎮各邊，及將兵討伐，獨和以老不在行。而上愈信愛之。二十三年入朝，忽病中風，不能言。上聞卽幸其第撫視，惋歎良久，遣還里。二十七年，上思公使其子前軍都督僉事鼎迎至都，俾以安車入內殿，與酣宴而出，賚金帛，御膳法酒，相屬。最後復大朝，疾寢。

劇不能興。上復令以安車入內，手摩撫其體，與敘里閉
舊及艱難勞動，和不能對，稽首而已。上爲之雪涕，出藏
鏹付有司爲營葬地。明年卒，年七十，追封東甌王，謚襄武。
和有五子，亦前卒，而少子醴積，伐至同知左軍都督府，征
五開道卒於軍，有孫十一人，弗及嗣。六世孫紹宗，孝宗
朝錄功臣，後爲南京錦衣衛指揮使。嘉靖中，繼絕世，封靈
璧侯。凡三歲而卒，佑賢嗣。卒，子世隆嗣，領漕事者十餘年，
以勞加少保、太子太保。

弇州外史曰：以湯信公之戰伐，其績何寥寥也！一逗撓，一
不利，昆陵酒語至煩。廷訓而其後，乃爵上公，贈真王，便

蕃之錫諸助舊不敢望焉。顯融令終美哉。乞骸一語基之矣。夫以絳侯勃之定策有社稷勲而煩人主詔乃怏怏之國。彼其君臣俱失之也。余嘗按行登萊海上及宦游吳越間。其父老歷歷指烽戍云。湯信公功不可削滅。徵信公吾其鯨鯢食矣。嗟乎。高皇之善器使人也如此。

卷三終

熙朝名臣實錄卷四

秣陵 焦 竑 輯

東丘郡侯花將軍

附

高陽郡侯許知府
部氏 孫氏 雷老

上初得太平命院判花雲守之以許瑗爲知府庚子閏五月陳友諒入寇圍太平雲率麾下三千人禦之三日友諒不得入乃以巨舟乘漲泊城下令士卒緣舟尾攀堞上城中乏食雲士卒德不能戰城遂陷友諒縛雲急雲怒罵曰賊奴縛吾吾主必滅爾斬爲膾也奮躍大呼縛皆絕雲起奪守者刀連殺數人賊亂擊雲碎雲首縛寘舟檣叢射之雲至死罵不輟妻邵氏一子甫三歲抱屬侍兒孫氏曰夫

歿吾必不獨生。然不可使花氏無後。若等善保此兒。遂赴水歿。孫氏收部氏屍葬之。抱兒出走。陷賊中。賊敗脫走。墮水。緣浮木入蘆渚中。採蓮實啜。見凡七日。得不歿。有雷等。人必。有神物。獲。行世之。或。人。方。謂。無。鬼。神。可。以。恣。意。老者引達。上所抱兒泣拜。上亦泣。寘兒於膝曰。此將種也。命賜雷老衣物。忽不見。追之失所在。時皆神異之。

上厚賚孫氏。令撫其兒。後追封雲東丘郡侯。許瑗亦以被執不屈歿。追封高陽郡侯。命立忠臣祠於太平。勅有司

歲時致祭。

李贄曰。花將軍旣歿。部夫人安得獨完。然能知花將軍之不可無後。孫侍兒之決可託子。則其獨具隻眼爲何。

如也。嗚呼，郤氏往矣，孫氏而後其苦可知也。付託在躬，雖明知生不如死，而有口亦難說矣。吾以爲孫氏可敬也。嗚呼，在天爲風雲，在地爲雷雨，歿則爲雷，老歿則爲花雲。總則一人而已，而又何怪邪。

高陽侯韓公

附 濟陽侯丁普郎等三十五人

癸卯八月，上討陳友諒，大戰於鄱陽湖。上屢瀕於危，所乘舟偶膠淺沙，賊乘勢攻之急，欲犯。上舟一時諸將計無所出，帳前親兵將韓成進曰：「古人有殺身以成仁者，臣不敢愛其死。」遂服。上袍冕對賊衆投水中，賊信之，攻稍弛。會諸將兵至，援之，賊遂退。上與友諒大戰五日，諸戰

疾者三十六人。樞密同知丁普郎被十創，疾首已隕，猶執兵立舟中。若戰鬪狀。後友諒平。上謂中書省臣曰：朕與

友諒戰於鄱陽，韓成效忠致疾，朕念之不忘。中書并列諸臣名上。上遂追封韓成、高陽侯，爲諸臣首。宋貴京兆侯陳兆先、潁上侯李信、隴西侯王勝、太原侯丁普郎、濟陽侯張志雄、清河侯李志、高隴西侯昌文、貴汝南侯余杲、下邳侯徐公輔、東海侯劉義、彭城侯陳弼、潁川侯程國勝、安定伯王咬、太原伯姜潤、定遠子王鳳、羅山子邱明、梁縣子常惟德、懷遠子王德、合肥子朱鼎、合肥子汪清、盱眙子王德先、定遠子汪澤、廬江子丁宇、含山子遠、德山、汝陽子。

榮隨縣子、陳冲巢縣子、裴軫定遠子、常德勝壽春男、鄭勇隨縣男、袁華虹縣男、史德勝定遠男、王理五河男、王仁舒城男、曹信含山男、立廟康郎山、令有司以時致祭。

李贄曰：紀信誑楚，楚滅漢興，天下既定，恤典何曾，嗚呼！此漢祖基業，所以僅僅四百餘載也。韓成誑漢，照映今古，唯帝念哉，刻骨痛苦，嗚呼！此太祖高皇帝之業，所以歷萬億載而未有艾也。同時歿事鄱湖三十六將，如丁普郎者，首已斷矣，猶執刀船頭，若戰鬪狀，一何忠且勇也。然帝終以成効忠致死，言念不忘，封成高陽侯，廟祀康郎山，位居首，嗚呼！愛賢樂士，視人猶己，一時英

傑無不樂爲之歿也。宜也。而說者猶以一二功臣不終之故，大爲帝疑，不知帝之體念諸功臣也。亦已無所不至矣。而諸功臣則未必能一一仰體之也。誰其得似中山與開平，又誰其得似西平與信國乎。其爲高皇終始眷注何如也。

梁國趙武莊公

附 南陽郡侯葉琛等十四人

梁國趙武莊公名德勝，鳳陽人。此祝魁偉，膂力過人，馬上運槊捷疾如飛，爲帳前先鋒。從于和陽儀真，陞總管先鋒。

收方山營，苗軍水寨，收丹陽金。順德宣武，轉領軍先鋒。

戰昆陵，湖州權左副元帥，戰。肥江下，銅陵，臨山寨出。

淮南征高郵，陞統兵元帥。從破漢水寨，走友諒，收黃梅、廣濟、克瑞、臨吉、撫四郡。旋遷安慶，降南昌。祝康據南昌叛，殺葉琛，從復南昌，授僉江南行樞密院事。臨江吉撫三城叛，又復三城，協守南昌。統精兵爲戰將，癸卯，漢圍南昌，公出戰，射殺漢金指揮，漢益兵，晝夜急攻，城且壞。公先諸將夾戰，且戰且築城，城壞復完。賊至東門，敵發蹶張弩，中腰。簪箭深入六寸，卽拔出，拊髀歎曰：「何足奈何！」大丈夫死卽死，恨不能從。主上掃清中原，垂名竹帛耳。卒，子獻領其衆。公沈鷺、簡靜、剛明、質直，馭下嚴肅，號令一行，旗幟改色。平生未嘗讀書，隨機應變，智略如神。臨難不懼，奮不顧身。

曾孫輔立功封武靖侯友諒之圖南昌也凡八十五日與公先後歿者右副指揮使劉齊右翼元帥同知朱潛統軍元帥許圭漢兵略城三人力戰歿左翼元帥副使井海龍突圍出戰中矢歿樞密判官李繼先左副元帥趙國昭繼先出戰被掠去歿國昭引兵燒賊艦追至投橋歿洪都知府葉琛江西行省都事葉思成康祝之變琛思成迎戰市中歿臨江府同知趙天麟守臨江賊破歿管軍百戶徐明當圍城日漢設陷筭數臨城誘戰明躍馬出城射賊賊走明追之墮筭中賊鈞去誘降不從歿張子明者張元帥之子代父爲間使走金陵求援還至湖城被執友諒強官

之令徇城給降子明佯許至城下大呼我張大舍已見

主上令諸公堅守救兵且至賊怒卽攢槩刺歿張德山夏
茂成皆軍士勇敢善戰德山以夜半潛出城焚賊舟死茂
成守城樓當賊衝中飛砲歿友諒滅贈德勝梁國公齊彭
城郡侯海龍隴西郡伯繼先隴西郡侯圭高陽郡侯國昭
天水郡侯琛南陽郡侯天麟天水郡侯明合肥縣男茂成
總管德山千戶子明初贈武毅將軍飛騎尉千戶後加贈
忠節侯潛思成贈未詳皆廟祀南昌德勝進侑享太廟
謚武莊李贄曰朱文正旣遣千戶張子明赴建康告急復
詐遣軍士號捨命王者詣友諒營約日出降友諒信之故

緩其攻而後于明得以申請救之力、城中得以蓄養守之、備而南昌完矣、然則捨命王終成捨命鬼、殺賊南歸城下、安可無追祀之報乎、同時死守者一十三人、今增捨命王爲十四、令千載讀史者知慨慕焉。

越國胡武莊公

附

定祀雞籠山二十人李

夢庚

王愷

孫炎

越國胡武莊公者、名大海、虹人、長身鐵面、智力過人、甲午、謁上爲前鋒、從入和州、克采石、攻金陵、常州、先登、授右翼統軍、元帥宿衛、佐鄒將軍守宣州、取徽、嚴、陷陣、遷樞密判官、攻下蘭溪、陞僉行樞密院事、又收諸暨、衢、處、廣、信、

上以婺浙東大郡、通甌引越、以爲行營、參政守之、己亥、克

處州壬寅苗軍元帥蔣英叛刺公并殺郎中王愷等李將
軍下杭縛英至京上命懸公像市曹刺英血祭公贈公
越國公祭卞壺廟洪武元年築壇鷓籠山祭故功臣公位
第一而祔以文臣沒王事者李夢庚王愷孫炎等二年立
功臣廟於鷓籠山定祀二十一人命歿者塑其像生者虛
其位時公及馮國用趙德勝耿再成丁德興俞通海張德
勝茅成八人已卒榘卞壺蔣子文廟六王及華高吳良
吳楨曹良臣康茂才吳復孫興祖尚存也諡公武莊公嘗
曰吾不知書吾行兵惟有三事不殺人不虜人婦女不焚
人廬舍以故所至健兒驩附編氓寧輯有祭征虜之風王

愷當塗人贈當塗縣男

號國俞忠烈公

公名通海巢人父廷玉弟通源通淵江淮賊起公父子結寨巢湖自守聞上駐兵和陽走歸歛時上欲渡江得通海父子水軍甚喜蠻子海牙陳兆先之戰皆以火攻敗其衆通海功多陞秦淮翼元帥攻鎮江常州宣城敗吳呂珍進兵吳江中流矢矢鏃不能出右目失明再破雙刀趙復池州陞僉書樞密院事進同知從上征友諒克銅陵搗九江掠斬黃友諒遁還武昌還軍擊叛將祝宗復南昌上曰斷友諒臂矣已而友諒圍壽昌上率通海等西援

友諒解圍東出郡陽湖逆戰通海乘風棹七舟載葦置火藥入敵水寨焚其戰艦數百獲友仁友貴賊稍退時通海舟深入敵寨鏖戰久之不復見意通海戰沒少頃飄颻遠出敵舟傍我師見之大喜躍呼奮前大敗敵賊移舟拔水寨遁去我軍先柵壘于口及橫截左蓋遏敵歸路通海曰湖有淺舟輒膠蓋移兵入江據上游敵見我水陸結寨不敢出糧盡益窘繞下流欲遁適遇張瑄之友諒歿班師還賜通海田金帛陳理降陞中書省平章政事總兵略劉家巷平濠州攝江淮行中書省事守廬州繕墉壑興農田兵民寧輯從征浙西克湖州轉戰至滅度橋中流矢卒贈號

國公諡忠烈侑享 太廟廷玉別見通源封南安侯通淵
越嵩侯

蔡楚河間三國公

附

汪興祖

周顯

陳文

祭國張忠毅公名德勝合肥人才略豪邁沈毅剛果集義
衆結水寨自保乙未以舟師歸 上悅謂李丞相曰方欲
渡江乏舟楫而德勝至殆天意也 上率兵拔公至和陽
營于新河授萬戶渡江拔采石取太平擒陳也先擢管軍
總管蠻子海牙陳兆先復屯方山伺太平公破之從取集
慶大破方山營擒兆先克鎮江陞秦淮翼元帥從下常州
宜州再陞僉樞密院事從下宜興普勝陷池州公敗普勝

柵江口復池州友諒犯龍江呼諸軍力戰敗走友諒降其將張志雄梁鉉喻國興劉世衍追友諒至采石戰歿贈蔡國公謚忠毅侑享 太廟子宣幼養子同嗣職宣長 上命宣嗣同復姓名爲汪興祖興祖以開國功封東勝侯自有傳合肥又有周顯陳文皆驍勇顯從常將軍李將軍有功戰歿阿暮渾河贈汝南郡伯文早喪父奉母最孝從收吳越中原累戰功歷陞督府僉事洪武十七年卒贈東海侯諡孝勇

廖永安者亦巢湖水寨來歸者也庚子五月命徐達率廖永安等擊張士誠于太湖永安兵敗被執士誠欲降之永

安不屈。上遙授永安光祿大夫。後又遙封楚國公。至丙午七月永安卒於吳。上悲悼，親爲文祭之配享太廟。塑像功臣廟。

泗國耿公燕山侯孫公

公名再成，五河人。癸巳來歸，立功泗、滁、和、陽、建康、鎮江。陞元帥，守鎮江。克揚州，改守揚州。宜興數被吳寇，又改守宜興。上取金華爲前鋒，屯縉雲，取處州。石抹宜孫率衆驟至，公擊敗走之。先是士卒無論大小，徵私粟民間，號皆糧。民苦，莫敢誰何。公白胡叅政盡罷砦糧。壬寅，苗帥叛，公方與客飲，聞變上馬收戰卒不滿二十人，迎賊罵曰：「俘虜奴。」

國何負汝乃反急解甲降不降吾斫汝萬段揮劍連斷數
槩兵不繼賊刺公墮馬大罵不絕口死洪武二年進公侑
享太廟三年加贈泗國公諡武莊

癸丑夏孫興祖從徐達征西北塞外戰死五郎口上聞
甚悼惜之追封燕山侯塑像功臣廟其後天下既定大封
功臣上於死事諸將尤加憫念功大者命其子得世襲

永義侯桑公縉雲郡伯胡公

永義侯桑公名世傑無爲人甲午與廖俞蔡諸公結水寨
巢湖乙未納款趙普勝畜異志公洩其謀上得歸和陽
集商舟載勇士至黃墩攻敗普勝及蠻子海牙趙人和陽

諸軍大集，卽攻被采石鱗魚洲，鐵長官水砦，取太平，擒陳也先蠻子海牙遁，擒兆先入金陵，拔鎮江，陞秦淮翼元帥，下金壇，丹陽，從圍常州，攻寧國，常州平，陞判行樞密院事，取馬馱沙，克大浦口，江陰，下太湖，收宜興，尋與諸將攻江陰，石牌，海寇樂瑞、公奮、弋躍馬陷陣歿，諸將大怒，奮擊盡，獲海舟擒瑞，上念公贈永義侯，侑享太廟，子敬以父故封，徽先伯國，初以忠死事者，世傑爲首。

乙巳四月，命胡琛等討福建，陳友定克浦城，崇安，建安，友定併力來攻，琛突陣與決戰，馬蹶爲友定所執，不屈被殺，上痛惜之，追封縉雲郡伯。

宋國馮公

馮勝者初名國勝更名宗異最後名勝定遠人也父文質
有三子長曰國用季曰勝皆驍勇饒智略國用貌都雅動
止舉舉而勝長軀偉面磊落慷慨生時黑氣滿舍若烟霧
經日不散里中異之淮南兵大起國用與勝從惡少年數
百人立砦以自固屬高帝以兵略地至妙山國用舍衆
來謁上以國用儒服謂曰若書生邪試爲我計安出國
用曰建康龍蟠元璣帝王都會其帥懦弱不任兵宜急擊
下其城據以號召四方天下不難定也上大悅遂召致
左右俾預進止機宜當李善長亞而有所攻戰輒操申直

前奮擊時國用也進勝上尤愛異之兄弟俱備宿衛從克滁州三汊河之戰國用手獲其帥與勝偕攻和之板門寨先登又敗鷄籠山寇會得巢湖水寨兵遂贊上拔采石取太平上大破陳也先兵盡覆其衆獲之赦也先與盟歃血而嘔國用曰其人必叛叛形見矣也先果叛而爲其下所殺于兆先復擁大衆據方山與中丞蠻子海牙分水陸而軍衆各數十萬國用等從攻破海牙已大破降兆先盡得其衆上選降卒之驍勇者五百人爲宿衛衛國用與勝操甲侍帳中上寢息自如五百人皆感服上卽以屬國用勝將而攻金陵先登復從取鎮江俱授萬戶

復從取寧國、定秦、興宜、興俱進。大元帥國用尋擢帳前親
兵都指揮使、專侍謀議。從征金華，進平紹興，功最多。屬疾
卒。上親臨奠哭之，勸賜葬江寧，贈郢國公。明年，勝代爲
都指揮使。陳友諒陷太平，進逼我龍灣。上禦之大戰於
石灰山，未決，勝率宿衛士直擣其中堅，遂大破之。溺歿者
數萬，俘七千人，窮追至采石，復破之。遂復太平，師旋。再從
上討友諒，掩其安慶水兵，長驅至江州。友諒倉皇走武昌。
江州平，進親軍都護，遷同知樞密院事。從下武昌，克廬州。
走元將左君弼，移兵取江西諸郡。復同相國達平章常遇
春合兵下淮東，尋以勝圍高郵，下之。尋取淮安，安豐從討。

張士誠下吳興，被執其將呂珍，遂進圍蘄州，破之。論功，次平章遇春進銀青榮祿大夫、都督府右都督，尋從大將軍北討，下徐、宿、青、兗、濟南，凡得郡國十餘立。皇太子以功臣備宮家，勝領詹事，俄坐小法，奪一官，爲都督同知。總諸衛兵，取樂安，守將俞勝遁，獲其將牛右丞，別部兵溯黃河，會取汴梁，克河南、陝州，西趣潼關，其將張德欽等來逆戰，大敗之，遂奪潼關守焉。復西下華州，旋師汴梁，謂上於行在，上慰勞之，拜征虜右副將軍，命守汴梁，還從大將軍達下山西，克武陟，懷慶踰太行，克磁子城，取澤州，遂潞州，轉戰平陽，敗其左丞田保保，徐伯昌於絳州，獲之，平

陽絳州平。制詔右副將軍勝居、馮春、下偏將軍湯和居
勝下、偏將軍楊璟居、和、下、渡河、發陝西、取鳳翔、李思齊走
臨洮、獲其大將薛平章等、遂度隴、克鞏昌、降其總帥汪靈
真、保進兵逼臨洮、還從大將軍攻圍慶陽、執叛將張良臣
全陝平、前是上諭達、大軍已下慶陽、右副將軍權鎮之
節制諸路兵馬、而大將軍與偏將軍和先還。京議功賞
達遂還、達還之五十餘日、而勝亦至。上責之曰、將軍不
奉詔耶、吾欲將軍外馭虜、內填撫關內、所寄豈淺鮮、而一
且弁髦之、何也。勝頓首請死。上以其功高、弗忍、下吏至
定賞、頗列其事、金幣不能當大將軍半、俄復爲右都督、再

以征虜右副將軍同大將軍出西安，擣定西，大破王保保之師，鹵其士馬數萬。王保保卽擴廓帖木兒也。分兵自秦州南出一百八渡，徇略陽，禽元平章蔡琳，遂入沔州。又遣別將由鳳翔入蓮雲棧，合攻興元。克之，蜀地大震。移兵至土番，征哨極於西北。凱還，論功，授開國輔運，推誠宣力武臣。特進榮祿大夫右柱國，同叅軍國事，封宋國公。食祿三千石。賜券予誥，以勝兄弟親同骨肉，痛切肢體。又謂勝十餘年間，內則除肘腋之患，外則建爪牙之功，平定中原，佐成混一，所以稱揚甚至。賜文綺及帛八十疋。明年出填陝西，修城隍，簡士馬。又明年大發兵出塞，勝以征西將軍率

五萬騎由西路出金蘭、取甘肅、以疑虜、且分其勢、勝至蘭州、遣右副將軍傅友德以驍騎五千爲前鋒、連戰敗虜、遂定甘肅、進至亦集乃、敗降其守將小顏帖木兒、次別篤山口、岐王朶兒只班走、獲其平章長加奴等、及馬、馳、牛、羊、十餘萬、時大將軍達兵不利、左副將軍文忠所失得相當、獨勝以捷聞、而有言其匿私虜橐駝馬者、賞不行、自是遇以將軍印、練兵臨清、北平、繼往大同、復自大同討元殘寇、散不刺等、還鎮陝西、改河南、冊其女爲周王櫛妃、夫人何氏卒於京、上賜璽書慰籍加餐、夫人身後、吾已任之、卽欲南從容、委事於偏將而後行、葬畢、復之鎮、董楚周王官府、

大將軍討虜也。見不花勝以征虜將軍練兵河南待餐。數賜書慰勉。時大將軍達左副將軍文忠皆前卒。而元丞相納哈出擁大眾由金山。數窺伺爲邊患。上乃拜勝征虜大將軍。穎國公友德永昌侯藍玉左右副將軍率參將南雄侯趙庸等以步騎二十萬乘之。鄭國公常茂曹國公李景隆申國公鄧鎮并子侯等皆從軍。上復遣故所獲納哈出部將乃刺吾奉璽書諭之降。勝等至通州。謀虜有屯慶州者。遣永昌侯玉以輕騎乘大雪掩之。殺其平章朶來。大獲士馬而還。勝出松亭。分築大寧寬河等四城。遂駐大寧。踰兩月。留兵五萬守大寧。以全。壓金山。刺哈出見

乃刺吾而驚曰爾尚在乎乃刺吾頗爲述 上恩德且示

以富貴納哈出喜卽遣其左丞探馬赤等至勝軍獻馬初

納哈出分其衆爲四一曰榆林一曰養鴛莊一曰龍安一

曰禿河其人畜輜重富於元主不肯預朝會召之亦不往

勝大軍直前逼納哈出度不敵乃因乃喇吾請降勝使監

玉以輕兵往受之納哈出覘知明兵盛遂率數百騎詣玉

約降玉大喜出酒與飲納哈出別酌所携酌醺玉玉讓之

先納哈出卽先飲復酌醺玉玉解衣衣之納哈出讓弗肯

衣玉亦持弗飲久之納哈出取酒澆地願其下咄咄語鄭

國公茂者勝子壻也勝故欲見子畜之茂不受且迫欲自

見而其部將趙指揮解胡語謂茂此且欲遁也茂遽前搏之納哈出驚起欲就馬茂拔佩刀斫之傷臂不得去都督耿忠遂以兵擁納哈出馳而見勝其將士妻子凡十餘萬在松花河者聞而驚潰勝遣降將觀童往諭之亦降凡四萬騎并得其各愛馬所部凡二十餘萬羊馬驢駝車服至百餘里勝以禮宴待納哈出令耿忠與同寢食遣使奏捷罪狀鄭國公上聞大悅使使諭勝等所以勞賜納哈出玉帶龍衣及其部曲金幣無算械鄭公茂至京會有言勝娶虜妃及受良馬無算者又失都督濮英三千騎而茂亦自陳所以搏納哈出故且許勝過上乃命收大將軍

印勝還京命歸鳳陽里第奉朝請而諸將士亦無封賞者
茂削爵安置嶺右勝自是不復將大兵有所任使還卽上
事仍奉朝請久之加太子太師時列勲臣望重者八人勝
仍居第三賞賜黃金至三百兩白金二千兩鈔萬錠然
上春秋高多所猜忌而勝號爲雄勇又時時失 上意洪
武二十八年暴卒諸子皆不得封而國用之子誠積戰功
雲南累官至中軍都督府左都督

贊曰馮國用不歿其岐陽伯仲乎勝有大將材積戰功久
而其中不能無欲且又時時見驚桀焉能免乎金山之役
璽書九三下以中山開平二王爲喻始而勉之中而戒之

終而愧焉。雖然，勝功大罪不能相掩，謫廢可也，嫌死不可也。不王可也，不侯不可也。

李贄曰：馮勝以大將軍統數十萬衆，出沙漠，平定反側，爲聖天子伸威萬里之外，糧餉不計，死亡不恤，惟倦倦以不虜掠，不擾害爲言，此爲何等事，而我爲何等人乎，而敢娶元妃，以自肆私，夷財以自利也。吾謂不卽梟首，已爲大幸，乃猶以爲可侯，吾不知之矣。且我朝聖祖於凡有功諸臣，賞賚原不薄，體悉原無所不至也。

穎國傅公

友德者宿州人也，少驍勇，多方擊刺，騎射冠絕一時。

季避亂潁州碭山中爲大盜李喜之所得從破山東焚燒
上都宮闕躡關隘轉剽入蜀常爲軍鋒冠李喜之敗歸明
王珍玉珍疑不能用走武昌從陳友諒忽忽無所展開

上舟師伐江州乃以所部謁見於小孤山上奇之俾爲
別將屬常遇春從援安豐掠廬州還從逆擊陳友諒於鄱
陽湖友德操輕舟盪其鋒身被數創戰益力手殺數百人
復與諸將邀之禁江口友諒歿師旋第功最復從上親
征圍武昌城東南有高冠山下瞰城中上顧諸將誰能
奪此山者賞友德卽率萬人先登一鼓而奪之流矢中頰
鏃出腦後復洞脇不爲沮武昌平超授雄武衛指揮使復

從徐達下州西取夷陵略衡州襄陽安陸俱取之與元
守兵戰身被九創破擒其將任亮還師淮東克泰州進逼
淮安破張士誠援兵於馬驢港復大破元將竹貞於安豐
所過焚其積聚上卽吳王位之元年友德守彭城而王
保保之大將李二來寇勢張甚友德度兵寡不敵詢其衆
方肆掠率步騎二千自呂梁渡直趨擊之李二有驍將曰
韓乙者出戰友德單騎奮槊刺之墜馬師乘而進遂敗之
友德度賊且復至開城門陣於野使皆臥槍以待聞鼓卽
起李二果盛兵至輕我師寡競而囂友德鼓之士騰躍搏
賊遂敗之縛李二以獻上大悅召友德還建康進江淮

行省叅政命以麾蓋鼓吹送歸第翌日復命中書叅議李
飲水楊希聖携音聲伎人一部就友德飲飲水等裸而酣
上怒皆黜之而論友德曰若探甲冑出百死一懼之固當
而彼士人何爲者吾不而咎也明年大將軍北征上所
褒勉不四五人而獨謂叅政友德與右丞薛顯勇略冠諸
將可授之選鋒當一面友德遂從大將軍破沂州斬其將
王宣下青州元丞相也速率數萬騎來爭大將軍設伏友
德以輕騎五百爲誘師敵追至伏而迴師擊之伏盡奪也
連敗走遂取萊陽明年從取東昌棣州樂安復從克汴梁
河南及收諸山寨復從渡河取衛輝彰德遂東取廣平臨

清滄德進克元都，以精騎偵邏古北諸隘，掩其殘卒，略大同而還。從徇保定、中山、真定，皆下。略平定州，遂克太原。王保保自保安以大衆來援，兵未交，萬騎突至，友德帥死士五百拒却之。因與大將軍謀，夜伏兵掩其營，王保保乘驛馬以十八騎走。友德追至土門關，弗及，盡獲其士馬四萬餘。復敗賀宗哲於石州，擊走四大王，逐竹貞至宣府，敗脫列伯。友德功最多。復從大將軍西入關，走張思道於鹿臺。逼臨洮，降其大帥李思齊。大將軍圍慶陽，友德以驍騎扼其走路，慶陽下。關陝悉平。預賜白金文綺，從上典。又明年，復從大將軍擣定西，大破王保保，收其士馬輜重，移兵伐

蜀友德領前鋒出秦州奪略陽關虜其平章蔡琳遂入沔
分兵繇鳳翔入連雲棧合攻漢中克之以饋運不繼還軍
西安蜀將吳友仁謀復漢中兵大至守臣告急友德以精
騎三千攻斗山寨夜令人人持十炬列山上蜀兵驚遁凱
旋大封功臣授開國輔運推誠宣力武臣榮祿大夫柱國
穎川侯食祿千五百石尋進同知大都督府事是歲冬議
伐蜀征西將軍湯和副將軍廖永忠由瞿塘以舟師趣重
慶友德爲征虜副將軍由秦隴以步騎趣成都既受命
上復密諭友德謂蜀人聞我西伐必悉其精銳東守瞿塘
北阻金牛以抗我師若出其意外直搗階文門戶旣墜腹

心自潰、兵貴神速、但患不勇耳。友德至陝、言出金牛、覘階、
文守備弱、卽趨陳倉、選鋒攀緣山谷、晝夜行、大軍繼之、直
抵階州、蜀斷白龍江橋、阻我、都督汪興祖躍馬直前、中飛
石灰、友德奮攻、拔文州、兵渡白水江、遂趨綿州、至漢江、造
戰艦、將進兵漢州、欲通軍聲、湯將軍爲木牌數千、書克階、
文、綿、日、月、拔、漢、江、順、流、下、蜀、守、者、見、之、解、體、尋、拔、漢、州、夏
丞相戴壽、太尉吳友仁、悉衆守瞿塘、聞友德破階、文、搆江
油、壽、友、仁、分、瞿、塘、守、兵、還、援、漢、州、保、成、都、未、至、友、德、舟、師
逼漢州、敗其將向太亭、城下迎擊、壽兵敗之、拔其城、時湯
將軍駐大溪口、未進。上引友德、冒險克階、文、功、責、湯、將

軍湯將軍已獲友德所書木牌，遂趨夔州。七月，壽大亨以成都降友德。湯將軍亦克重慶。友德分兵盡下川蜀諸郡。縣十月還京。上大悅，曰：「穎川侯友德冒越險阻，首克階文、破綿、漢、成都、保寧諸郡，功最大，賜白金二百五十兩，文綺二十表，裏人猶以爲薄。」未厭云：「是時故誠意伯劉基上平蜀頌。」上不自居推勞諸將臣別爲文首褒揚友德而永忠次之。征西將軍不與焉。明年副征西將軍馬勝由西路出金蘭，友德先率驍勇五千騎馳趨西涼，遇元將失刺罕戰，敗之。至永昌，又敗其將朶兒只巴，獲馬牛羊十餘萬。進略甘肅，手射殺平章不花，降太尉瑣納兒等，獲馬萬疋。

至瓜沙、破其守將、獲金印三、馬牛羊二萬、是時師出三道、獨友德獲全勝、而以主將勝坐小法、不被賞、踰年、大軍復出鴈門西北、巡長城外、友德爲前鋒、虜聞之、絕漠徙去、追獲其平章鄧孛羅帖木兒等、還軍鎮北平、上疏言便宜五事、上報曰、將軍言是、其下所司悉從、將軍尋召還、尾

皇太子諸王講武荆山下、與諸徹侯俱增歲祿千石、同中山侯和發兵駐延安以備、伯顏帖木兒僞請和、上乃賜召和還、而留友德以誘之、伯顏帖木兒果入寇、友德設伏縱擊、大破之、獲其士馬輜重無算、上將下雲南、命友德巡行川蜀、永寧、雅播等處修城郭、繕關梁、因兵威撫納金

筑普定等諸土夷皆納款還獻馬五百疋。上別選內廐良馬十五疋賜之。虜乃兒不花寇邊復以征虜右副將軍從大將達出塞抵北黃河夜覆其灰山寨洪武之十四年命友德爲征南將軍率左副將軍藍玉右副將軍沐英諸徹侯大將步騎三十萬討雲南軍行。上親餞之龍江而命之曰朕不能親至其地然嘗覽輿圖詢彼地豪傑而得其阨塞取之計當自永寧先遣驍將別將一軍向烏撒大軍繼自辰沅入普定分據要害乃進兵曲靖彼所必守地下曲靖三將軍以一軍趨烏撒應永寧之師大軍直搆雲南彼此牽制破之必矣下雲南大理必次下餘郡邑部

落可撫而有也。友德行二十日而至湖廣，分遣都督胡海、洋等選精卒五萬，由永寧趣烏撒，而自率大軍由辰沅趣貴州，進攻普定，克土酋安瓚、羅鬼、犵狫諸苗，望風而降。至普安，復攻下之，遂進兵曲靖。梁王把匝剌瓦爾密遣其司徒達里麻來拒戰，友德用右副將軍英筭，勒兵至白石江，與相拒，揚聲欲渡，而別遣將以精卒數千潛從下流掩其背。衆亂，友德乃麾衆畢渡，悉師薄之。右副將軍馳鉄騎擣其中堅，下流之師表裏合擊，遂大破，擒達里麻，俘其衆以萬計。友德縱之歸農，謹聲聞遠邇。友德遂自率衆數萬，搗烏撒，而遣兩將軍趣雲南。梁王三走死，雲南平。兩將軍泄微。

侯曹震等分道徇郡邑之未下者友德兵已抵烏撒欲通胡海洋兵循格孤山而南諸蠻皆遁遂城烏撒工甫集蠻復大至友德故持重不戰以老之士踴躍思奮乃前爲陳蠻麋集友德鼓士騰赴遂大破其衆斬首三千餘級蠻遁遂城烏撒得七星關以通畢節又克可渡河於是東川烏蒙叅部俱請降威楚曲靖中慶潯江武定及諸路亦降左副將軍藍玉等復進兵下大理虜其帥段世分兵取鶴慶略麗江蕩金齒俄而烏撒諸蠻復叛友德討之斬首三萬餘獲馬牛羊十餘萬縱兵搜山谷亡脫者其強首靄翠亦降雲南悉平時 上前後下 璽書友德等凡數十懸斷

萬里外委曲中歎友德等所以奉行不敢爽諸因土俗定租賦興學校瘞戰骨廣屯田遠邇畏悅以是遂大定乃詔友德玉等還京而右副將軍英以數萬衆留填之友德入見所以宴勞有加進封穎國公食祿歲三千石予誥及鐵券子孫世襲錫錦綺帛二十表裏鈔百錠再賜米千五百石以皇女歸其子忠尋以征虜左副將軍同大將軍勝北襲虜將納哈出於金山盡降其衆大將軍以譴召歸留友德撫降虜尋亦召還率辰沅貴州諸衛兵討平廣西之韃靼反者東川蠻復叛據烏蠻山道路友德復以征南將軍率諸軍往討之且討越州之叛酋阿資道築平夷土

戶所進擊阿資破之斬首千餘級阿資請降遂平平越諸
叛苗 詔還軍駐沅州尋召還京爲征虜前將軍率副將
軍趙庸曹興王弼孫恪等赴北平練卒從 燕王出古北
口襲元太尉乃覓不花丞相咬住等降之悉收其部落駐
馬輜重 詔友德以諸降將還朝尋命援信國公和例還
鄉賜黃金三百兩白金二千兩鈔三千錠文綺三十疋綾
十疋加賜鈔五百錠給兵百二十人爲衛再以征虜將軍
率定遠侯王弼武定侯郭英等於淮北山東北平諸屬衛
選練精卒備邊賜白金二百兩鈔二百錠尋從 燕王捕
諸番將阿失里等復命同宋公勝涼公玉往陝西練將士

未久召還嘗請懷遠田千畝。上曰爾不聞公儀休事耶。

非公儀休乃蕭相

祿賜不薄矣而復侵民利何居友德慚而退復出理山西諸衛兵已副宋國公總山西河南兵馬屯田公侯在事者悉聽節制還進兼太子太師尋復與宋公勝往北平山西備邊聽宋燕二王節制自藍玉敗友德與宋公相繼暴卒子孫不得襲封云

贊曰當時持重善將將無如中山王至喑嗚跳盪獨開平王而友德差次之稱二虎將開平死大封之後友德始益展而有方面勲取巴蜀定滇竿其擘擘蓋庶幾中山矣後及德公者爲涼公藍玉其戰功亞友德至。上寵任之友

德弗如也。然卒以謀反。次。

涼國藍公

藍玉者，鳳陽定遠人。開平王之婦弟也。長身頰面，有勇略。從開平王之麾下，每戰先登陷陣，所當無前。開平王數稱於高帝，帝亦以王故寵異之。初，授管軍鎮撫，進武德衛千戶，改親軍千戶。累轉武德衛指揮使，皆自積戰功。超爲都督僉事。十一年，同西平侯沐英討西番，擒其酋嚶脖子，鹵斬以千計，獲馬二萬餘疋，牛羊十餘萬，還封永昌侯。又之以征南左副將軍，同穎川侯討雲南，轉戰平之，增祿五百石。再以征虜右副將軍，同宋國公襲金山納哈出降之。

併降其衆十餘萬、遂卽軍中、拜征虜大將軍、代宋國公、
年、謀虜主脫古思帖木兒在捕兒海、率勁騎十餘萬、自慶
州間道襲之、用定遠侯王弼謀、戒諸軍皆穴地而憂、毋使
見烟火、距其營八十里、遂直前薄之、虜方整衆北行、不虞
我軍至、大驚、其太尉蠻子輕來逆、破而僂之、衆遂潰、皆請
降、虜主與其太子天保奴丞相失烈門、知院捏怯等、數十
騎遁去、玉遣精騎追之、不及、獲其次子地保奴、后妃公主
百三十餘人、吳王朶兒只等、將相官校三千人、男女七萬
七千餘口、馬四萬七千疋、駝四千八百頭、牛羊十餘萬、車
二千餘輛、并得其傳國璽、寶玉金印、聚其鎧仗而焚之、復

破降其太師哈刺章獲將士萬五千八百人馬駝四萬八千餘疋捷聞

非當元

上大悅使使齎勅諭玉比之衛青李靖玉

傲而淫私元主后事露后自縊死凱旋上特賜玉白金

二千兩鈔一千錠文綺五十疋然猶面責數之擬封梁國

公、嘍、暗、且、久、乃、改、封、涼、國、公、而、鑄、其、過、於、鐵、券、尋、討、平、散

毛、喇、擒、土、酋、刺、惹、等、萬、餘、人、置、大、水、田、千、戶、所、進、平、施、南

忠、建、二、宣、撫、司、叛、蠻、還、增、歲、祿、五、百、石、賜、鈔、千、錠、尋、詔

還、鄉、賜、金、帛、給、兵、如、穎、國、公、尋、與、魏、曹、二、公、措、置、陝、西、邊

事、至、蘭、州、墜、馬、微、傷、上、手、詔、慰、勞、之、比、于、中、山、關、乎、二

王、尋、召、還、賜、米、千、五、百、石、復、出、理、蘭、州、莊、浪、等、七、衛、兵、王

追捕逃寇祁者孫遂略西番罕東之地玉兵入罕東欲大掠番衆皆遠遁而會躡故降將月魯帖木兒反使玉移師討之至則裨將懼能等已大破其衆月魯帖木兒走相與玉以計誘縛其父子送京師斬之而盡降其餘黨便宜請增設諸衛且請籍民人爲兵上報設諸衛而不許籍民遂班師定東宮官屬玉兼太子太傅意不樂居宋頴二公下詔曰我乃不堪太師邪玉故恃上寵多蓄莊奴

假子數千人常占東昌民田民訟之史史爲置獄玉執御

史以此見其功之不助中山

史笞而逐之度喜降關關吏以夜不時緝玉大怒縱兵毀關入上聞之不善也玉謂京奏請不盡聽退而謂所

上疑我矣。遂謀反。爲錦衣指揮蔣瓛所告。獄具。磔於市。夷三族。榜其狀示天下。王之誅徹矣。功臣文武大吏。以至偏裨將卒。坐黨謀反者。可二萬人。勝友德用材武。且名位極。雖不入蜚語。亦皆不良。又四年而。上崩。燕師稱靖難。宿將皆盡。無與抗者。

李贄曰。我。聖祖起滁陽。入建業。定江南。以至定山東。定河南北。凡十有餘歲。始卽帝位。及卽位。又享國三十一年。此蓋上帝之所篤生。天固縱之。使多歷年。所以福壽我黎民。原非漢唐宋首創。諸君假仁義以行者之所得比也。並時唯湯信國壽躋七十餘。俱不及。至于

靖難之世，又安得有故將乎？未可遽以是而遂爲不惜才者之憾。吾以爲最惜才者，當無如我明太祖矣。

鄆國宋忠順公

公名晟，定遠人。父朝用，兄國典，皆起定遠田間，朝用官至右都督，國典總管戰，歿南臺。公嗣兄官，克徽寧，征關陝，三鎮涼州，進官督府。洪武二十三年，克總兵官，征破哈密，哈密者虜所城也。公誅其僞王子別列怯等三十餘人，獲虜衆千三百人，金印一，銀印二，所得馬牛羊，咸給將士。又明年，征罕東，西番，誅擒七千五百餘人，獲馬二千五百，牛羊十萬，班師。二十七年，調中府，克副總兵，討遼東邊寇，戰磨

溫江大捷，明年平廣西，幟諸寨。又明年，總羽林八軍，平
伍開龍，里十三洞。三十一年，率師城萬全，諸衛還。京建
文元年，以公久居涼州，著威信，回番畏服。充總兵官，鎮河
西靖難。後來朝，進左都督，充平羌將軍，復鎮永樂。三年，論
降虜酋把都帖木兒、倫篤兒灰，遣使持節，即軍中封西寧
侯，食祿千一百石。世指揮使，留鎮未幾卒。贈鄆國公，諡忠
順。